

2
ELEM

60

BIBLIOTHECA

160
N
47.

BIBLIOTHECA

BIBL. NAZ.
VITT. EMANUELE III

160
N

47
NAZ.



*Inter libros
Joseph Maria Paracandolo
Antecessoris Regni
A. L. N.*

D. GOTTLOB CHRISTIANI. STORR

DISSERTATIO EXEGETICA.

IN

LIBRORVM N. T. HISTORICORVM

ALIQVOT LOCA.



TVBINGÆ

APVD BORNIVM

MDCCXC.



TO DIRECTOR, FBI (100-371100)

FROM SAC, NEW YORK (100-100000)

RE

TELETYPE TO BUREAU, APRIL TWENTY, LAST.

RE NEW YORK TELETYPE TO BUREAU, APRIL TWENTY, LAST.

ALL INFORMATION CONTAINED HEREIN IS UNCLASSIFIED

DATE 10-10-00 BY 60321

RE NEW YORK TELETYPE TO BUREAU, APRIL TWENTY, LAST.

ALL INFORMATION CONTAINED HEREIN IS UNCLASSIFIED





MATTH. I. 17.

E consilio, quod Matthæus in genealogia v. 2 ff. proferenda universe secutus videtur (v. über den Zweck der evl. Gesch. Joh. p. 236. f.), subjecti etiam corollarii (v. 17) rationem reddi posse arbitramur. Ut enim *clausulæ*, quam *αριστος* auctor, cui Jesus non esset *ο Χριστος* (v. 17. f. 1.), ¹⁾ sed (cf. Jo. XIX. 21) *ο ΑΓΓΟΜΕΝΟΣ Χριστος* (Matth. I. 16. coll. XXVII. 17. 22), genealogiæ imposuerat, *singularis conformatio* docebat, narrationem, quam Matthæus, Josephi procul dubio & Mariæ, propinquorum suorum (l. c. p. 271), auctoritate, I. 18. ff. promit, non nuper demum a christianis, ortum Jesu ab Josepho negantibus, ex-

1) Inscriptionis, a Matthæo præfixæ, sententia hæc esse videtur: „Jesu, quem ego pro Christo, itaque (XXII. 42. Act. II. 30. III. 25) pro stirpe Davidis & Abrahami, habeo, genealogia sequitur, prout in eius familia fertur.“

excogitatam, sed dudum in familia Jesu notissimam ipsisque etiam iis familiæ partibus, quæ Jesum non habuissent pro Christo, minime suspectam fuisse: sic *universa* quoque *structura* genealogiæ id ipsum firmabat. Erat illa manifesto tributa in tres partes, quas determinant regiæ dignitatis (v. 5. f.) translatio ad hanc familiam & migratio in Babyloniam (v. 11. f.) *Prima* complectitur XIV. stirpes (*γυνας*, cf. *Krebsium* ad v. 17), quarum princeps est Abraham (v. 2), postrema David (v. 5). *Alter*a totidem stirpes habet, quarum prima *idem* David (v. 6), decima quarta Josias (v. 10) numeratur (cf. b. *Bengelii* Gnom. ad v. 17. n. II. IV. p. 12. f.). *Eadem* lege Josias, qui secundæ partis extremum locum occupabat (v. 10); *idem etiam* *tertiæ* initium ordiri putandus est (v. 11). Si principium a Jechonia ducere malis, tertia genealogiæ pars ne proficiscetur quidem a tempore migrationis in Babyloniam (v. 17), quod v. 11. cum Josia conjungitur, sed a tempore *post* migrationem in exilium, cum quo Jechonias tanquam Salathielis, *eo demum* tempore, quo pater in exilium *migraverat* (1 Par. III. 17), *nati*, parens Matth. I. 12 connectitur. Neque etiam auctor genealogiæ v. 11. migrationis tempus inepte finivit. Nam migratio in Babyloniam, a qua *Josias ipse vix prohibitus* fuit singulari beneficio (2 Reg. XXII. 16—20), non pertinuit modo ad Jechoniam, nepotem Josiæ (XXIV. 6—16.), sed *mox filius Josiæ*, in cuius locum Jechonias susceptus fuit, in exilium proficisci debuit (XXIII. 34. XXIV. 1—4. 2 Par. XXXVI. 1. 6—8.), ut de altero filio (1 Par. III. 15), Jechoniæ successore (2 Reg. XXIV. 17. ff. XXV.),

XXV.), nihil dicamus. Quod si vero, Matthæi admonitu (I. 17), numerus stirpium a migratione in Babyloniam ad Christum usque subducitur: initio a *Jofa* (v. 11) facto, non XIV. (cf. v. 17) de more superiorum genealogiæ partium, sed XV. stirpes prodeunt, nisi, *prætermisso Jesu*, desinamus in Iosepho (v. 16), ut igitur Jesus a ceteris γενεαις, quarum *decem Et quatuor* singulis genealogiæ partibus continentur, hac quoque nota discernatur, eiusque nomen e genealogia, tametsi v. 16. appellatum fuerit, vere tamen exemptum esse intelligatur, simul æ numerus stirpium tertiæ partis ad genealogiæ, in *tefferadecadas* descriptæ, normam capitur, atque proin genealogia Iosephi re ipsa non magis referatur ad Jesum, quam formula: *hic vero genuit sequentem* (v. 2. ff.), in eodem Iosepho usurpari desita (v. 16), quo tanquam extrema stirpe terminatur numerus γενεων, βιβλῳ γενεσεως cuique parti assignatus. Neque id temere & fortuito accidisse, tum formulæ, constanter alias adhibitæ, consideratissima mutatio in extrema genealogia (v. 16), tum hoc maxime ostendit, quod orientali consuetudine ²⁾ integrum fuit auctori, prætermittere stirpes, quæ numerum constitutum excederent, hocque ipso subsidio, v. 8. adhibito (v. 1 Par. III. 11. f. & 2 Reg. XV. 1—7. coll. 2 Par. XXVI. 1—23), consecutus est, ut secundæ partis stirpes præfinito numero concluderentur. Imo in

2) cf. celeberr. Michaelis ad Ruth. IV. 20. ill. Eichhornii Einl. ips. A. T. P. II. p. 449. P. III. p. 310. Repert. für bibl. und morgenl. Litterat. P. XLII. p. 169.

in ipsa tertia parte stirpium numerus sic initur, ut Josiæ filius idemque pater Jechoniæ (2 Reg. XXIII. 34. XXIV. 6) omittatur.³⁾ Quidni ergo de sequentibus (Matth. I. 12—15) stirpibus una similiter præteriri potuisset, nisi auctor genealogiæ sic propriè numerum effici voluisset, ut *Josephus, non Jesus*, numero *decimus quartus* esset?

IV. I—II. Inter *visum* vel nocturnum vel similem alium tentamenta (v. 1. Luc. IV. 13) ne locum quidem habitura fuisse, celeb. *Thaddæus* (in libello, Bonnæ 1789. edito: die Versuchungsgeschichte Christi erklärt und von Widersprüchen gerettet p. 40) bene monuit. Neque profecto vel Matthæus (I. 20. 24. II. 12. f. 19. XXVII. 19) vel Lucas (Act. XVI. 9. f. X. 10—17. IX. 10. XVIII. 9. XXII. 17) visionem a rebus vere gestis (cf. XII. 9. 11) narratione sua discernere ignoravit. Sed altera quoque opinio, quam laudatus *Thaddæus* si non disertissime tuetur ceu unice veram (l. c. p. 47), at non obscure præfert (p. 38. 26. 43—46. coll. p. 40), difficultate haud minore affecta est. Quæ enim nar-

ran-

-
- 3) Certe in majoribus Josephi non ita numeratur, ut, calculo subducto (Matth. I. 17), eius ratio haberi queat. Neque enim v. 11. Josias ipsum, ipse vero Jechoniam genuisse dicitur, quamvis in numero *των αδελφων* Jechoniæ præter successorem *patrum* (2 Reg. XXIV. 17. 1 Par. III. 15. f. cf. verill. *Michaelis* ad. v. 16), qui cognitionis gratia (cf. Gen. XII. 5. XXIX. 10. 13. 14.) nomine *fraterno* (cf. v. 12. 15. XIII. 8) etiam 2 Par. XXXVI. 10. (ebr.) appellatur, haberi quoque possit decessor *parens* Jechoniæ, tanquam calamitatis & exilii (*μετανοησις βαβυλωνος* Matth. I. 11) *socius*, cuius res eodem loco fuerunt, atque res Jechoniæ & Sedecix. cf. *αδελφου* Prov. XVIII. 9.

rantur de diabolo (Matth. IV. 3—10), ab iis, quæ de angelis (v. 11) *in veritate* dicuntur, si *modum narrandi* spectemus, neque dogmaticas rationes seu philosophica decreta ⁹ sequamur. ¹⁰ nulla prorsus nota discernuntur. Fac vero, prava *quævis* cogitata, & in ipso *historico* dicendi genere, diabolo assignari consuevisse. Num Satanas propterea dicitur accessisse ad eum, cuius animo prava cogitata occurrerunt, eumque comitatus & cum eo collocutus fuisse (v. 3. 5. 8)? An Satanam, ut hoc exemplo utamur, Luc. XXII. 3. f. venisse legimus ad Judam, & dixisse: prode magistrum, quumque Judas respondisset: prodam, comitem se adjunxisse itineris ad synedrium? Imo nec ve-

4) Consentiant doctissimus *Thaddæus*, & quem sequitur (p. 43), anonymus Auctor (Beytr. zur Beförder. des vern. Denkens in der Religion. Heft. 3. p. 92). Nec facile fuerit, *αγγελος προσελθων* (cf. v. 3) *aut diabolus autem* in bonas cogitationes vertere, quas præterea Christus non tum demum fovere cœpit (cf. v. 4. 7. 10). Ipsa hæc (v. 11. Marc. I. 13) *diaboli & angelorum* disjunctio *hominem*, Christo adversarium, intelligi vetat. O *αγγελος* haud dubie fuit e numero mentium, quæ sunt bonorum angelorum contrariæ, neque eo nomine (Matth. IV. 3) propterea appellatur, quod hoc loco & tempore sollicitasset ad peccandum, sed quod *moris* (cf. Luc. IV. 13. extr.) eius esset, ut sollicitaret (cf. 1 Theff. III. 5. cum 1 Cor. VII. 5. add. Marc. VI. 14. coll. Matth. XIV. 2. Obff. p. 79. n. II.)

5) v. celeb. *Thaddæum* p. 38. 46.

6) Quamobrem nos sequi dubitemus, & in rebus, nulli nostro sensui nullique experientie nostræ subjectis, nec vulgaribus nec philosophicis opinionum commentis fidamus, solisque, quoties suppetunt, testimoniis nitamur, alias exposuimus (Comm. in ep. ad Hebr. P. II. §. 10.)

veterrimæ memoriæ (cf. Cel. *Thaddaum* p. 44.), quarum modo narrandi ne licet quidem continuo evangelistarum, ab ultimo illo tempore tam longe remotorum, cogitandi rationem & dicendi genus metiri, ullum, quod evidens atque indubitatum esset, functionis exemplum præbent: Quando enim vicissitudo & conflictio humanarum cogitationum non apud veterem poetam, cui potestas est fingendi, sed in historico libro, v. c. Geneseos, divini cum homine colloquii formam induere perhibetur: nulla profecto interpretationis necessitas est, nisi philosophetur interpres, & philosophus eam proprie familiam sequatur, quæ, licet quotidie fieri videamus, quæ nos homunculi, si Dei loco essemus, ex angello nostro alia norma directuri essemus, decrevit tamen, istiusmodi colloquia cum hominibus in facto posita non esse, quia ipsi videantur indigna esse Deo. Quando Evam (Gen. III. 1-5) ⁷⁾ & Bileamum (Num. XXII. 28-30) ⁸⁾ cum

7) Celeb. *Thaddæus* ipse quidem hoc loco *verum colloquium* diaboli cum Eva agnoscit (p. 27. f.).

8) Etiam cum perill. *Michaelis*, Ven. *Dathio* p. 544. f. & celeberr. *Herdero* (vom Geist der ebr. Poesie P. II. p. 237. f.) visionem, non veritatem, h. l. narrari putes: nullum certe colloquium ab historico confictum, sed res ipsa, prout oblata fuerat per visum, representata est. Neque igitur hoc loco uti licebit ad probandam eam consuetudinem, pro qua cogitationes, per veram occasionem visibilem (Gen. III) aut per opinabilem causam invisibilem (Matth. IV) in ipso hominis animo natæ, ab historico demum in sermonem cum materia cogitationum converti dicuntur. Ceterum nos perill. *Herderi* rationibus, quas in epistolarum parte prima (p. 26. ff.) attulit, non seriori pronunciato, obsequi, nuper (in Progr. de protevang. p. 10) fassi sumus.

cum mera cogitationum occasione colloquentes induci volunt; sua item conjectura de eo, quod sapientia & bonitas Dei patiat⁹ur, non grammatica ratione, ducuntur, & ne sic quidem locis allatis cum nostro, ex ea, quam impugnamus, sententia intellecto, exqu¹⁰lita similitudo foret. Neque enim Christus, quem admodum Eva & Bileam, cum vera & externa cogitatorum occasione, sive cum lapidibus (Matth. IV. 3), editove loco subjectis regionibus (v. 6. 8), a quibus ad cogitationes minus rectas deductus fuisse perhibetur, sed cum interno & opinato cogitationum auctore collocutus inducitur. Sumamus autem, Satanæ alloquia (v. 3. 6. 9) significare posse cupiditates¹¹, in ipso Christi animo exortas, quas vero statim fregerit (v. 4. 7. 10). Quid igitur, hoc posito, sibi volunt comma quintum & octavum? Jesusne ambitiosa cupiditate Hierosolyma & in montem deductus fuerit? Siccine ergo cogitationem, illico¹² improbandam, coëruerit, ut ejus certe gratia itineri se committeret, & propositum vitiosum, quale in utraque professione, e solitudine in urbem & ex urbe in solitudinem, tenuisset, hactenus certe perageret, ut locum editum, ubi tandem se revocaturus esset, conscenderet tamen? Hocine dignum fuerit sanctissimo (2 Cor. V, 21. Ebr. IV. 15. VII. 26. 1 Jo. III. 5. Luc. I. 35) Jesu? Sin alio & meliore consilio in edita templi montisque ascendit, ibique datus prospectus demum¹³ iniecit cupiditatem, mox cohibitam; nihil

9) v. cel. Thaddæum p. 41. fs. & Anonymum citatum p. 90. f. 99. f.

10) l. c. p. 90. f. 100.

11) v. l. c. p. 90. f. cel. Thaddæum p. 42.

hinc igitur *Satanas* (h. e. ¹²⁾ vitium, persona indutum) ad ipsam professionem pertinebat; sed ita potius scribendum fuerat, Jesum divini Spiritus impulsu ¹³⁾ venisse (cf. Matth. IV. 1. Marc. I. 12. Luc. IV. 1) in editam templi Hierosolymitani partem atque in montem excelsum (v. 9. 5), ubi accesserit ad eum *diabolus*, etque dixerit. (cf. Matth. IV. 3. Luc. IV. 3), quæ v. 9. 6. Matth. IV. 6. 9. leguntur. Maneat ergo, Jesum vere tentatum fuisse a *Satana*, idque, ut Grotii verbis (ad Luc. IV. 2) utamur, multis modis, quorum præcipui tantum v. 3-12. referantur. Neque enim triplice illo congressu sub finem XL dierum (v. 2), omnis tentatio (v. 13) absoluta fuisse, sed diabolus post repetitos conatus, intra dies XL. (v. 2) compressos a Jesu, ad extremum denuo accessisse (Matth. IV. 3) videtur hoc ipso consilio, quod antea multipliciter, quumque unum conatum a Christo refutatum sensit, intercapedine facta, novo tentationis genere persecutus fuerat. Damus quidem facile ¹⁴⁾, verba Lucæ (IV. 1. 2) ad hunc modum posse transferri: „Jesum in XL. dies, impulsu Spiritus ducebatur in solitudinem, tentandus ¹⁵⁾ a diabolo.

12) l. c. p. 44. f.

13) l. c. p. 10.

14) Recte quidem b. Frommannus (Opusc. p. 392. f.) monuit, Græcos non ita loqui; sed hebraizantium scriptorum, ipsiusque Lucæ similes dicendi formulas b. Bengelius ad quædam vicissitudines Luc. IV. 2. attulit.

15) cf. in Jac. III. 6. not. 106. Similiter Ap. XXI. 8. *ἐπιδεικνύμενος* sunt de-
testandi peccatores, quorum mox varia genera nominantur. & Matth.
XXIII. 27. *ταῖς τοῖς νεκροῖς* sunt sepulcra calce signanda, quæ, cum
dealbata aut, sicubi fuisset abluta calx, instaurata nondum essent.
(cf.

bolo. Quodli' verò Jesus hoc consilio, ut *Satanæ tentationi expositus esset* (cf. quoque Matth. IV. 1), in deserta compulsus est secedere, at tentatio Satanæ orta demum est, *finito XL dierum spatio* (Luc. IV. 2: fs); nulla causa intelligitur, quamobrem *illius consilii gratia* divino jussu (v. 1) debuërit *in quadraginta dies* secedere, atque tempus tam longum, quamvis omni intervallo nihil tentationis motum iri Deus prævidisset, in desertissima (Marc. I. 13) solitudine degere. Usitatam igitur structuram tenentes Lucam (IV. 2) sic intelligimus, ut Jesus a diabolo *per XL dies* fuerit tentatus. Consentit Marcus (I. 13), præsertim ex lectione, Ven. *Griesbachio* probata. Neque hic eventus tam incredibilis videbitur, si cum antiquiore alio (Gen. III. 1—5) conferatur, in quo *diabolicam* tentationem ipse etiam cel. *Thadæus* (p. 27. f.) agnoscit, nobis autem h. l. sumere liceat. (conf. Progr. cit. p. 7. fs). Quamquam enim salutifera Christi obedientia in continentem (Marc. I. 12) baptismo (v. 9—11) historiam (v. 13) concludenda nobis ¹⁷⁾ minime videtur (Comm. in ep. ad Hebr.

(cf. *Lightfootum* in l. c.), ambulantes a mundo solo discernere & fugere non possent, uno verbo, sepulcra ἀδελφά (Luc. XI. 44).

16) Receptam lectionem hoc sibi velle: „tentabatur. (αὐτὸν πειρᾶσθαι, cf. v. 22. 39. Luc. I. 10. 22) ibi in solitudine per XL dies”, neque interpretandam esse in alteram sententiam: „ibi in desertis per XL dies versabatur, tentandus a Satana,“ ratio supra (ad Luc. IV. 1. f.) allata persuadet. Sin autem verba: οὕτως ὡς ἄγγελος, quorum utramque partem cod. Vercellensis, alii certe alterutram partem omittunt, pro glossmate habeamus; ne grammatica quidem ratio aliam versionem patitur nisi hanc: per XL dies tentabatur a Satana.

17) cf. secus statuentem perill. *Michaelis* (Dogm., §. 138. ed. 2).

Hebr. p. 664. f. 669. 639), & ipse etiam Lucas IV. 13. extr. significat, hoc quidem tempore Jesum non defunctum fuisse nisi parte aliqua tentationum diaboli, qui, cum tempus aliquod intercessisset, obedientiae Christi pericula alio, eoque graviore, modo per instrumenta sua fecit (Joh. XIII. 2. 27. XIV. 30. f. VIII. 38—44. Luc. XXII. 3. 5): consentaneum certe videtur, obedientiam eam, qua Jesus mereri debebat (l. c. p. 589. fs. 666 fs) potestatem, suae beatitudinis ipsam quoque *progeniem Evae* (cf. Progr. cit. p. 16 fs) participem reddendi, *similiter, ac Evae obedientiam, itaque a diabolo*, sed multo exquisitius, h. e. *blande* quidem etiam (cf. Matth. IV. 3. 6. 8. cum Gen. III. 1. 4. f.), adhuc¹⁸⁾ autem violenter quoque (Jo. XIV. 30. f.) tentatum fuisse, quo magis inter omnes ad legis divinae honorem¹⁹⁾ constaret, exploratissimam & praemio proposito dignissimam esse hominis Jesu obedientiam. Quin ipse etiam Satanus ejusque focii angeli, non obstante veritatis & hominum capitali odio (Jo. VIII. 44), resistere nequeunt, quin persentiscant interdum, obedientiae Jesu, quam ipsi cominus adspexerint (Matth. IV. 4. 7. 10. Jo. XIV. 30. coll. Phil. II. 8. Ebr. V. 8), justissime²⁰⁾ persolutum esse hoc praemium, ut salutis copiam facere liceret iis (v. 9. II. 10. 15), quibus perniciiei duces ipsi esse gestirent (v. 14²¹⁾). Mox certe post
pri-

18) cf. Comm. cit. p. 599. f.

19) l. c. p. 593. fs. 599—613.

20) l. c. p. 605. f. 666. fs. 613.

21) Progr. cit. p. 23.

primam, quam Jesus Matth. IV. 4. 7. 10. f. Luc. IV. 13, ex Sathana tulerat; victoriam, dæmoniacorum sanatione statim conspicuam (XI. 20.—22. ²² Matth. XII. 28. f. Marc. III. 27), nedum post absolutam & consummatam (Joh. XVI. 11. XII. 31. Ebr. II. 14. Col. II. 15) victoriam, haud raro fuit, ut sensum præstantiæ Jesu reprimere & infitiri non possent (Luc. IV. 34. 41. Marc. III. 11).

C: V—VII. Cum Matthæo certum esset, ²³ doctrinæ Jesu (IV. 17. 23) specimen hoc loco prodere; talem orationem aptissime protulit in medium, quæ vim regni divini, mentisque (*μετανοίας* v. 17) ad eam consequendam necessariæ formam copiosius & expressius declararet. Quod ad *regnum divinum* attinet; huic quidem nomini (v. 17. 24) longe alia, ac Judæi informare consueverant, ²⁴ notio subjicitur, dum beatitas eorum, ad quos regnum divinum pertineat (V. 3. 10. ²⁵), ita descri-

scri-

22) Sumitur, eo tempore, quo Jesus dæmonia ejecit v. 20, jam de-victum ab eo fuisse Satanam (v. 22), cui alias non possent eripi sua (v. 21. Matth. XII. 29), i. e. (v. 28. 22) homines, quos in potestate haberet (Act. X. 38. V. 16). Atqui præcesserat ea ipsa victoria, quam in *dominium* vel victoriam, a Jesu *ex se ipso* relata, converti non posse, adhuc vidimus.

23) v. liber den Zwek Joh. p. 301.

24) v. Diff de notione regni cœlestis §. II.

25) Utraque sententia, h. e. prima & ultima, (quæ enim v. 11. 12. leguntur, superioris commatis sententiam, quam ultimam numeravimus, persequuntur tantum & explicant,) hanc ipsam formulam: *regni divini*, cuius vim interjecti versiculi æquipollentibus aliis formulis declarant, eo consilio retinuit, ut appareret, de *regni divini* beatitudine sermonem esse.

scribitur, hic conjunctionem & similitudinem cum Deo sperare liceat (v. 8. f.), quæ ipsa quidem (cf. Ap. XXII. 4: VII. 15. cum v. 16. f. & XXI. 7) dicat immunitatem mali & voluptatem insignem (Matth. V. 4. 12: Coll. Luc. XVI. 25), sed quæ *presentem* tristitiam non tollat (Matth. V. 4. 10. f.), & (cf. v. 45. 48. VI. 33. 1 Joh. III. 2. f. Ebr. XII. 14) mali *moralis* absentiam *sanctitatisque* perfectionem futuram ante omnia complectatur (Matth. V. 6. VI. 10. 26). Ne multa, Jesus clare profitetur, diuinum regnum, ad cuius spem & desiderium (v. 33) ipse excitet, quamvis regni illius cupiditate flagrantibus necessitates quoque, non eodem, sed ad vitam terrenam pertinentes (*ταυτα παντα* v. 33. coll. v. 31. f.), Deus prospicere soleat, *terrenis* certe opibus nequaquam contineri (v. 19. 24), sed *caelesti* beatitate (v. 20. V. 12), qua non arma potiantur & insolentia, sed pacis studium (v. 9), misericordia (v. 7), mansuetudo (v. 5. 27) & modestia (v. 3). Quod vero attinet ad viam beatitatis, trita certior

(VII.

26) Diff. de beata vita post mortem p. 4. 36.

27) Cum Israëlitarum habitationem in patria numerassent in maximi beneficii loca (Ps. XXXVII. 3. 27. 29): formula *κληρονομησαι την γην* (v. 11. 9. 22. 34) & brevior *κληρονομια* (v. 18) si non ad *felicitatem universalem* significandam (cf. Sirac. XXII. 23. & Ven. Schreusneri Spicileg. I. post *Birkum* p. 70. f.), certe ad maximam illam, quæ novo populo Dei proposita est, quæque alias etiam cum veteris populi divini possessione comparatur (Ebr. II. 5. d.) IV. 3. e). h). v. 6. l), beatitatem depingendam apta est (cf. IX. 15. m). Eius possessionis aduendæ (Matth. V. 5) ducem se præbuit Jesus, quæ nec eripi potuerit ab hoste (cf. VI. 20) nec bello vindicari deberet, sed cuius tenendæ spes firma atque immota (VII. 24. f.) in mansuetudine (V. 5) & pietate (v. 20. VI. 33. VII. 21) sita esset.

(VII. 13. f.), sive ad eam mentem, quam regni divini studiosus induere debeat, universe quidem *δικαιοσύνης* studium (VI. 33) ardentius (V. 6.) solito & accuratius requiritur (v. 20), sed diuinae voluntatis, ad quam (*οἱ δίκαιοι*, sive) cupientes regni divini conformare se debent (VII. 21—23), ea potissimum capita trahantur, quæ ad *amorem aliorum* spectant. Quamquam enim dissertationi de hoc officiorum genere (V. 21. ff. ²⁸), VI. 1.—4. VII. 1—5) etiam alia quædam interposita videmus: hæc tamen ipsa cum principali causa manifestam conjunctionem habent. Veluti, quid locus (VI. 5. ff.) de animo curisque tum universe (v. 24. 20. f. ²⁹), tum in precibus (v. 6. ³⁰) & jejuniis (v.

28) Quam v. 33. ff. perjurio non modo in jure jurando *per Dominum* (cf. *Kyp'le* ad v. 31) dato, sed in eo etiam juris jurandi genere (v. 34—36), quod minorem vulgo sanctitatem habere putabant (cf. XXIII. 16. 18. & Jac. V. 12. not. 200), locus omnino esse dicitur (Matth. V. 34. coll. XXIII. 20—22.); perfidiæ, quæ amoris contrarium est, occurritur & *fides optima* (V. 37) inculcatur.

29) Communis hic locus (v. 19—21) alibi (Luc. XII. 33. f.) nominatim revocatur ad questionem de *beneficiis*, unde (Matth. VI. 1—4) Christi oratio deverterat ad cognatas questiones de precibus & jejuniis, quibus consuetudo Phariseorum (V. 20) similiter, ac beneficentia, ad pietatem mentendam abuti solebat (Luc. XVIII. 10. 12.)

30) Cum Pharisaica *vanitas* (v. 5) non modo amaret precari in publico, sed ostentationis gratia etiam *verbosè* precari gestiret (XXIII. 14), prioris vitii castigatio (VI. 5. f.), quæ contextui (v. 1—4) aptissima fuerat (cf. v. 16—18), oratorem facile deduxit, ut in altero quoque vitio, quod ethnicis (v. 7) facilius condonari poterat quam rectiore Dei notitia (v. 8) imbutis hominibus, reprehenderet Phariseos. Principale vero propositum ne hic quidem a Domino fuisse dimissum, ex eo intelligitur, quod, *brevioris* precatonis *exemplo* (cf.

(v. 18) proprie, in Deum ejusque remunerationem defigendis, cum loco de stipis conferendæ recta ratione (v. 1—4) conjunctum habeat, dubitari non potest (v. 4). Nec temere latius hæc persequutus est Jesus. Ut enim præceptio de amore hominum alteri de amando Deo (XXII. 37. f.) similis (v. 39); hujusve instar (v. 40), præceptorum seu voluntatis Dei (VII. 21) summa esset (v. 12. Gal. V. 14); ipsamque δικαιοσύνης (Matth. VI. 20) notionem exhaustiret, talis amor hominum significandus erat,³² qualis ab animo, Deum ejusque præmia, non alio (VI. 1. f. 19. 23.), spectante (v. 4. 6. 18. 20—22. 24. cf. v. 9. 10. 33. V. 45. 48), proficiscitur. Verum c. VII. illuc rediit oratio, unde ad fontem amoris erga alios deflexerat, quumque, per occasionem moniti, ut, „qui mite & æquum, h. e. tale *judicium de aliis* facere velit, quale sibi expetat (v. 1. f.), se ante omnia ipse diligenter castiget“ (v. 3—5), eorum gratia, cum quibus Christo proprie res fuerat (V. 2), quique aliorum commodis *etiam verborum castigatione servire* (VII. 5. extr.) debebant, hæc cautio subjicitur (v. 6), ne „intempestivam ipsisque & veritati noxiam operam in iis consumant, quos veri contemptores & osiores esse in antecessum conflet;“ mox v. 7—11. præcatio commendatur, qua bonorum (v. 11) ante memoratorum, h. e. *amoris in alios*, quo δικαιοσύνη continetur (v. 12), ipseque (V. 20. VI. 33) regni divini, studium verum cernatur & (VII. 7. f. 11) juvetur,

(cf. *cf. v. 9. cum v. 7. f.*) proposito, in iis statim & unico commendatur (v. 14. f.), quæ ad amorem alterius pertinebant (v. 12).
 31) v. Diff. de sensu vocis πληρωμα not. 82.

tur, tandemque v. 12. summa rei ita dicitur, ut superiora præcepta (cf. *ut* v. 12) *diserte ad amorem hominum* revocentur, tanquam ad sacrarum literarum summas (v. 12. extr. ³²); de quibus nihil remitti possit (V. 17-19). Tametsi ergo montanam orationem, prout a Matthæo tradita est, omnino cohærere arbitramur; illud contra Ven. *Pottio* (Diff. de natura atque indole orat. montanæ cap. I. Sect. III) assentimur; quod celebris oratio præcipue *ad discipulos Christi* (v. 1) spectare (v. 2) putanda sit, qui hoc ipso nomine, quod Christi essent discipuli, editiorem locum obtinuerant (v. 14. f.), quumque oculos multi in eos coniecturi essent (v. 14. extr.), tanto magis debebant aliis non doctrina modo (cf. VII. 22), sed exemplo etiam prælucere (V. 14-16), qui successores *prophetarum* (v. 12. extr.) evadere, suarumque vita tum *doctrina* (v. 19) alios quoque tanquam sal (v. 13. cf. Luc. XIV. 35. & *Paulsen* vom Ackerbau der Morgenl. p. 37. f. 40. f.) feraces reddere (cf. XIII. 8. f.) debebant bene factorum (III. 10. coll. 8. V. 16). Dum vero Christus *coram populo* (v. 1. VII. 28. VIII. 1) discipulis exposuit, quid ab ipsis præter vulgarem *Ψυδοπροφητων* (V. 20. VII. 15-20) & antiquiorum, quos isti sequerentur, magistrorum (cf. *Kypke* ad V. 21. add. Marc. VII. 3.

32) Propter sequens vocabulum *vous* pro *vous* dicitur *vous* (cf. Ap. XX. 14. cum XXI. 8). Quo pacto sensus erit: hoc significant, sibi volunt (cf. Matth. IX. 13. XII. 7. Marc. VII. 34) scripturæ. Similiter Luc. VIII. 9. *vous* (pro *vous*) *vous*, & v. 11. *vous de vous* (pro *vous*) & *vous* varet: quid dicat (significet) parabola, & hoc sibi vult parabola. cf. *Kypke* in Matth. XIII. 23.

VII. 3. 5. 8. f. 13.) consuetudinem observari *populoque tradi* vellet (Matth. V. 19); audienti *populo* simul *ipse tradidit* praecepta, quæ, quamvis adhuc inaudita (VII. 29), vehementer tamen ad illum pertinerent (v. 24. 27). Unde etiam bona pars praeceptorum, quæ in oratione montana legimus, alio ³³⁾ tempore (Luc. VI. 27. *sc.*) *multitudini*, quæ discipulis, seorsum antea compellatis (v. 20. ³⁴⁾), præsto fuerat (v. 17-19. VII. 1), *nominatim* dici potuit (VI. 27).

V. 3—10. Ad vocem *μακαριοι*, quemadmodum Luc. VI. 20. f. supplemus verbum *sc.* (v. 22. Matth. V. 11), ut sermo *discipulos Christi* (v. 1. f.) attingat (Luc. VI. 20-23), quorum v. c. tristitiam, si veri atque constantes discipuli essent, lætitia consecutura erat (v. 21), quod (Matth. V. 4) de aliorum mœstitia non æque confirmari poterat. Neque obstant pronomina & verba *tertiæ* personæ in altera versiculorum 3-10. parte. Quæ enim, latine reddita, hoc v. c. sonant: „beati estis, qui jacetis in mœrore, *vos* enim lætitia *afficiemini*, „ eadem, si verbum pro verbo reddas, hoc modo transferenda sunt: „beati estis, o ii, qui *sunt* in mœrore! nam *illi* (mœrentes) voluptate *afficientur*. „ cf. Luc. I. 45. Ps. CXLIV. 10. „o Deus, canam tibi (v. 9), o is, qui eripit *servum suum*, i. e. canam tibi, qui eripis *servum tuum*. „ (Obss. gr. p. 388. f.).

V. 13.

33) v. über den Zweck Joh. p. 347. *sc.*

34) Quæ v. 24-26. extant, in illius ætatis malos doctores (v. 26), qui lectis a Jesu (v. 12. f. coll. Matth. IX. 37--X. 4) doctoribus contrarii fuerant (IX. 36), dicta esse videntur. cf. Luc. XVI. 14. *sc.* (Diss. de beata vita post mortem p. 22. 23) & Matth. XXIII. 13-15.

V. 13. Verba *εἰ μὴ βληθῆναι ἐξω* cum superioribus: *εἰς ἔδην ἔχουσιν ἐντί*, incommode videntur jungi, cum nulla in eo vis aut utilitas sit, quod abjici & conculcari aliquid debeat. Nec dubitamus, quin verba Matthæi similiter, atque consona Lucæ (XIV. 35), seorsum accipere & vertere liceat: „*sed* (cf. über den Zweifel Joh. p. 192. 262) *foras ejusmodi sal. projiciendum est & conterendum ab hominibus.*“ v. Esth. IX. 1. (ebr.) Ap. XII. 7. coll. Pf. CXX. 7. (ebr.) & b. *Bengelii* Gnom. in l. c. Adde Obsf. gr. §. LXX.

V. 17—20. Sacras literas (v. 17. f.) *e certa parte*³⁵⁾ Dominus spectavit. Nam *historicis* partibus extrema versiculi 18. formula: ΕΩΣ *ὡς πάντα γίνονται*, nequaquam convenit, *præditiis* vero, quibus apta foret, contextus non favet, qui versatur in *legibus* (*ἐντολαῖς*), quæ ab homine vel violari vel servari possint (v. 19), & iis quidem proprie, quæ præscribant *τα κατὰ ἐργα* (v. 16). seu *δικαιοσύνην* (v. 20), iis necessariam, qui *in regno divino* contemni (v. 19. cf. Diss. de notione regni cœlestis not. 94), seu (v. 20) proferri nolint. Uno verbo, sacrarum literarum *morale* argumentum intelligitur, quemadmodum VII. 12. XXII. 40. Jesus igitur, discipulis (V. 1. f.), a quibus futurum munus docendi (v. 12. 19) recte factis ornari voluit (v. 16), suum magistri exemplum propositurus, v. 17. dicit, sacras literas, earumque *morale argumentum*, se ipsum non violare (cf. *Kypke* ad v. 17.

n. 2.

35) Similiter Luc. XVI. 16. *οὗτοι καὶ οἱ προφῆται* ex ea duntaxat parte spectantur, quæ rerum futurarum *prædictiones* continet (Matth. XI. 13).

n. 2. p. 19), sed explere atque (cf. l. c. p. 20) observare (ποιμασι v. 19), h. e. vita exprimere. Neque etiam in bonum doctorem, qualis ipse sit, aliam agendi rationem cadere. Neque enim (v. 18) sacrarum literarum, ex *moralis* parte spectatarum, vel apicem interiturum, ne minimam quidem, quæ videatur, *prescriptionem* (προσλην v. 19) *moralem*, in *sacris literis* extantem, irritam esse futuram (cf. *Raphelii* Annot. ex Herodot. p. 673. cel. *Loesnerum* in v. 18. p. 12. & conjunctiff. *Goezium* p. 80); dum intereat cælum & terra, sive ³⁶ dum satisfactum fuerit omnibus. Quisquis igitur (v. 19) minimum ³⁷ aliquid præcepto-

36) Ante *omnibus* (v. 18. extr.) intelligimus *omnibus* (cf. Notit. hist. epp. ad Cor. not. 9. & Ebr. II. 3. t.), idque *ἐν ᾧ πᾶσι* (Job. VIII. 32). *Superiorem* nempe sententiam, quod terra cælumque periturum sit citius (Luc. XVI. 17. cf. *d. ud. Cappellam* & *Urotium* in Matth. V. 18), quam apex scripturarum, hæc altera explicat, quod sacrarum literarum (seu legis divinæ moralis) apex (seu parvi ductum præscriptum v. 19) interire nequeat, *dum omnibus satisfactum fuerit*. Neque repugnat (cf. perill. *Michaëlis* Züs, der vierten Ausg. der Einl. ins N. T. p. 213), præscripta legis divinæ crebro violari & *omnibus satisfieri*. Nam in his quoque, qui divinas leges ne studuerunt (v. 6) quidem servare, sed ita perruperunt, ut Christi *satisfactione*, quæ salutis impedimentum, in humanæ *obedientiæ* vario defectu positum, *sa'vo legis honore*, amovit (Comm. in cp. ad Hebr. P. II. §. 13—15. 18. f. p. 667. fs. 672. fs), nequeant (l. c. p. 378. fs. 629. f. 679. fs) gaudere, nec igitur ea beatitudine (v. 6) potiantur, ut (l. c. p. 580. 616. f. 667) *voluntati divinæ perfecte exequenda* (v. 6. VI. 10) & amoris, qui legis summa est (VII. 12), in perpetuum (1 Cor. XIII. 8. fs) exquisitè colendo pares fiant, hæc tunc certe *legi responsi* exitus, ut poenas, *lege pariter sanctitas*, luant & (cf. l. c. p. 446) regno divino excludantur (Matth. V. 19. f. VII. 21—23).

37) cf. *Kypke* p. 22. f. & *Obfl. gr.* p. 363. f. Quamquam sensus etiam hic esse potest: unum e sacrarum literarum præceptis, quæ parvi solum

ptorum, de quibus v. 17. f. sermo fuerit (τῶν v. 19); h. e. minimum aliquod de praeceptis *sacrarum literarum*, violare (cf. *Kypke* p. 21. f.) & alios quoque ad hunc modum docere ausit, eum scripturae sanctitatem (v. 18), ne ab ipso quidem regni divini principe (VII. 22. f.) neglectam (V. 17), hactenus certe persensurum esse, ut nullo loco numeretur in regno divino. Licet enim (v. 20) doctores, qui Christi (Luc. XVI. 15) & superioribus (Matth. V. 21. 33) temporibus maximam auctoritatem habuerint, complura praescripta parvi faciant (πρὸ ἐλαχίστοις habeant), eaque tum ipsi *violenter* tum (v. 19) alios quoque parum ea curare *doceant* (v. 21. fs), idem tamen Christi discipulis, qui regnum divinum affectent, haudquaquam licere, quandoquidem ea ΔΙΚΑΙΟΣΤΗΝ, quæ potiri velit regni divini, praestare omnino debeat Pharisaicæ. Apparere putamus, δίκαιοσύνης (v. 20) notione *eum actiones* (ποιῆσαι) *tum doctrinam* (διδάξαι v. 19) contineri. Cum enim de *sacrarum literarum morali* parte sermo sit (v. 17-19), facile intelligitur, ipsi *pietati* (δικαιοσύνη) discipulorum Jesu conjunctum fuisse, ut religio *vita* seu diligentia in officii quovis genere *servando*, cum alios instituere deberent, religionem quoque in *docendo* seu accurationem in vitæ praeceptis *tradendis* pareret (VII. 17. f.), quemadmodum contra Phariseorum remissior *vita* & negligentia in officio, quod parvi aestimarent (ἐλαχίστον putarent V. 19), *faciendo* ipsam quoque morum *doctrinam*, quam aliis

lent pendit. *Philo* apud *cel. Loesnerum* p. 12. priorem sensum *usitate* via exprimit,

aliis *traderent*, ipsorum vitæ (καρπὸς VII. 16. 20. coll. III. 8. 10) consentaneam (VII. 17. f. 38), h. e. remissiore effecit (V. 21. fs. XXIII. 16. 19. XV. 3. fs). *Auditori* satis erat *observare* (VII. 24), quæ a Phariseis, quatenus (cf. ev. XXIII. 3) e Mose & sacris literis pendebant (v. 2), quæque insuper (V. 20) a Christo audierat; ii vero, cum quibus proprie Christus egit, sive discipuli, qui alios posthac ipsi *docere* debebant, δίκαιοι esse non poterant, nisi rectiora sensa de præceptis divinis, ut reliqua vita, sic ipso etiam *docendi actu* exprimerent. Si pravam tradidissent doctrinam moralem, aut ipsi non recte sensissent de præceptis divinis, eorumque igitur ipsorum sanctimonia (δικαιοσύνη) hac parte non præstabilis (v. 20) fuisset, aut cogitate alios in errorem induxissent certarumque legum violandarum auctores esse voluissent, itaque leges divinas sua ipsorum actione perfregissent. Hactenus igitur Christus, dum legi morali, in sacris literis expressæ, congruenter se *vivere* dicit (v. 17), eidem se, quia *doctor* fuerat, hoc quoque vitæ actu respondere, seu convenienter ei *docere* profiteretur. Neque igitur h. l. necesse videtur, ut verbi πληρῶσαι usitata notio augeatur chaldaizante, quæ Col. I. 25. invenitur, aut, si malis, verbum διδάσκων, diserte v. 19. adjunctum, v. 17. intelligendo adjungatur (cf. S. V. *Mori* Diff. theol. & philol. p. 81). Nam in hoc ipso significato: *stabilire* *vivendo*, alter jam inest: *docendo* *stabilire*.

V. 21. f.

V. 21. f. E duabus opinionibus, quarum optionem celeberr. W. A. Tellerus (art. *Gericht & Richter*) dedit, prior haftenus praefenda videtur, ut *χρῆσθαι* non de *judicio minori oppidano*, cuius profecto, Christi saltem ætate, non fuit (cf. celeberr. *Michaëlis* ad v. 21. p. 64. & *Krebsium* ad v. 22. p. 21), de *capitali* (v. 21) caussa cognoscere, sed de *pœna universe* intelligamus. Ceterum sententia, quam Pharisei (v. 20) ab antiquioribus traditam habebant (v. 21), ut disjuncto pronunciato (v. 22) patet, hoc sibi voluit: *homicidam* utique *pœna teneri* (v. 21), sed (v. 22) alteri temere irascentes, imo contumeliam dicentes, leviter a regula aberrare, præceptum, quod tanti non fit (*ὀλίγον*), migrare (*λυσαι* v. 19). Similiter perjurii interdicto subjecta adjunctio: "dabis vero jusjurandum *per Deum*" (v. 33), non hoc modo dicit, "jusjurandum, quod quis per Deum juraverit, verissimum esse debere," sed hoc quoque significat (cf. not. 28.), perjurum non esse habendum, qui jusjurandum, *per alias res* datum (v. 34-36), non servaverit, tale jurandum religionis esse nullius (XXIII. 16. 18). Jesus contra, qui maiore (V. 19. f. cf. v. 46. f. VI. 7. 32.) suos religione obstringit, etiam temere succensentem pœna teneri, & contumelias facientem hominis, *synedrio obnoxii, similem*³⁹, h. e. graviore, quam qui temere irascatur, pœna dignum esse, præcipit (V. 22). Quo autem clarius appareat, non de pœna, *qua* synedrium afficere debeat, sed de pœna, *quali* synedrium multare soleat, h. e. *graviore* (cf. *Krebsium* l. c.), sermonem

39) Sic *ὅτις ἐστὶ τὸ ὅλως τῆς γῆς, τὸ οὗς τὰ κοινὰ* (V. 13. f.) valet: *similes vos cæcis salvi, soli*. cf. Jac. III. 6. Jud. 12. Ebr. XII. 29. b).

nem esse, v. 22. tertia sententia subjungitur, quæ locum, ubi poena vel minor vel major sufferenda sit, expressius definit: „qui vero contumeliam fecerit, graviolem, quam dixi, poenam luere debet in *geenna*, obnoxius est *futuris* (v. 29. f. cf. XVIII. 9. cum v. 8. & *Wetstenium* ad V. 22. p. 299) *pænis* ⁴⁰⁾, quæ sunt *regni divini* (v. 19. f. 3. 10. VII. 21) contrarium.“ Qui non modo *prioribus* enunciatis (V. 22), de quibus facile consentimus, sed *tertia* quoque sententia, quæ *genus* poenæ videtur nobis finire, varios delicti & poenæ *gradus* significari putant, il probare debebant, *ῥακα* & *μωψ* *gradu diversa* convicia esse. Quod si vero prius vocabulum cum plerisque interpretibus verbo *xv̄s* exprimamus, quid intererit inter *ῥακα* & *fatuum*? Facile quidem videmus, *Erasmo*, cuius quæstionem nostram fecimus, responderi, nomen alterum *potuisse* hominis *profani* & *atheï* maculam inurere. Quidni vero *xv̄s* *eodem* angustiore *sensu* usurpari *potuerit*? Illud autem proprie vocabulum (*μωψ*), quod certe ex communi usu loquendi multo latius patet, in convicio non

40) Est ante *ῥακα* *ῥακα*, quia *dativi* præcedunt (v. 21. f.), pro nota *dativi* habemus. cf. X. 17. Ebr. VI. 6. not. 6). & Notit. hist. epp. ad Cor. not. 159. Ceterum Jesus mox (Matth. V. 23—26) ostendit, quomodo *geennæ* obnoxius factus poena, qua teneatur, liberari possit, si nempe iram in alterum, cui temere succensuerat aut contumeliam dixerat, non modo ipse ponat, sed, quum ipse melius erga læsum affectus (*εὐνοῖα* v. 25) fuerit, jam læsi quoque, cui materia querelarum (v. 23. 25.) data fuerit, voluntatem recuperare studeat. (v. 24. cf. Comm. in ep. ad Hebr. p. 408), & summopere quidem maturet ac urgeat (v. 24. f.) satisfactionem suam, ipso sacrificio magis necessariam (v. 24. coll. Marc. XII. 33), licet infurizæ sætæ (Matth. V. 22) interdictum pro nihilo soleat putari (v. 19.—21.)

non latiore, sed isto unice sensu, contra vero *paxa* non angustius in partem duriorem, sed latissime tantum accipi consuevisse, quis præstabit? Imo hebraicum *pr* ex consuetudine loquendi certa atque explorata *profligatissimos quosque*, ipso perill. *Michaelis* (ad V. 22. p. 66) fatente, significavit (2 Par. XIII. 7); Christi vero ætate nominis asperitatem mitigatam fuisse, sumitur, haud probatur. Quæ certe *Wetstenius* (in Matth. V. 22. p. 298) coëgit loca, ea omnia sunt recentiorum temporum, partim vero etiam nunc convicio *tanquam acerbissimo* utuntur. v. *Lightfootum* in l. c. Opp. Vol. II. p. 286. & *Buxtorfii* Lex. Talmudicum p. 2254. voc. *pr* ad extremum.

V. 39—42. Cum *petentes precibus* (v. 42) non dici possint *injuriosi* (*πονηροί*), neque tamen versiculum 42. cum *Grotio* (ad v. 41. f.) & celeberr. *Hessio* (Gesch. der 3 letzten Lebensjahre Jesu T. I. p. 144) a superioribus divellere audeamus, quia similitum capitum versiculos (v. 21. fs. 27. fs. 31. f. 33. fs. 43. fs.) *coherere* videmus: *τὸ πονηρὸν* malum pro *neutro* habere, & de molestia eoe, quod *grave* (*πῶρος, μόχθος*) est; intelligere (cf. Ebr. X. 22. g.) p. 220). Jesus nempe discipulos suos *molestiæ* vult ita patientes esse, ut novam citius injuriam patiantur, quam ut pro accepta similem ipsi inferant (Matth. V. 39), doctrina Phariseorum favente (v. 38. cf. perill. *Michaelis* Mos. Recht §. 242. P. V. p. 84. f.), ut summo jure contra se agi sinant ipsique beneficio juris renantiare audeant, itaque duro v. c. creditori, qui litigare voluerit de tunica, si quid ultra de-

D

beant,

beant, isque velit accipere⁴¹⁾, ipsi quoque pallium, quæ ægerrime pauperes carebant quodque propterea jure Mosæico (l. c. §. 150. P. III. p. 65 fs.) privilegium habebat, relinquunt (v. 40), ut onera publica (cf. celeberr. *Michaelis* ad v. 41) eo animo subeant, qui vel comitati erga exactorem & humanitati locum relinquat (v. 41), ut ea denique officia, quæ exigere nequeunt, quamvis molesta, non detrectent continuo, sed re-
 sti amoris interno jussui non minus pareant (v. 42) quam exter-
 næ necessitati.

VI. 4. 6. 18. Quamquam *ἐν τῷ κρυπτῷ* idem esse concedimus, ac *το κρυπτον*, hujus certe significatus causam non quaerimus in ellipsi articuli (*το*) aliave simili, quæ, tametsi in hac loquendi forma (Obss. p. 242) locum habet,⁴²⁾ insolentior tamen esse videtur, quoties istiusmodi formula *oblique* casu accipienda est, neque tamen ut *epitheton*, i. e. nomine vel pronomine intercedente, sed per se sola e verbo pendet. Quæ certe *Grotius* in v. 4. attulit exempla, longe diversa sunt. Malumus ergo præpositioni *ἐν*, quemadmodum Coh. XI. 4. apud LXX, eandem vim tribuere, ut hebraico 2 objecti.

VI.

41) Ita Lucas VI. 29. „ab eo, qui juxta pallium tuum & tunicam cepit (sumit), ne cohibeto ea.“ cf. IX. 50. cum Marc. IX. 39. Ceterum structura, quam sumus h. l. secuti, omnem dubitationem tollit, quam celeberrimo *Michaelis* (in l. c. p. 400. & *Zuf. von der vierten Ausg. der Einl. p. 241. 150.*) attulit verborum *ἐν τῷ κρυπτῷ* vulgaris constructio cum *sequentibus*, non cum *antecedentibus*.

42) v. conjunctiss. *Gazium* ad. v. 4. & *Diss. de sensu vocis ἁγιασμοῦ* not. 70.

VI. 22. f. Oculo in apodosi parabolæ respondet *animus* (π καρδια v. 21), corpori *systema actionum* (τὰ ἔργα). Si animus fuerit sanus, integer, rectus (cf. *Kypke* in. v. 22. f.), h. e. Deo (v. 4. 6. 18. 24) & cœli studio (v. 20. 33) deditus; actionum systema univêrsum, ne iis quidem actibus exceptis; qui viles & a sanctimonia remoti habentur (cf. Col. III. 18. f. 23. f.), lucidius, h. e. (Eph. V. 8—10. 1 Joh. I. 5. 7. II. 10) rectius, Deo probatius præmiisque ac beatitate (Jo. VIII. 12. extr.) secundius evadet (Col. III. 24. Matth. VI. 4. 6.) Si contra animi valetudo mala fuerit, si cupiditatibus rerum terrenarum captus fuerit animus & excæcatus (v. 24. 19. 21), univêrsum systema actionum, ne iis quidem exceptis, quæ tanquàm luculentæ & piæ splendent (v. 1. f. 5. 16. XXIII. 5. Luc. XVI. 15), obscurum erit ac nigrum, h. e. (Eph. V. 5—7. 11. 1 Joh. I. 5. f.) divinis laudibus ac præmiis illustrari non poterit (cf. Phil. III. 19. Matth. XXIII. 13—15. Luc. XVI. 15). Quodsi ergo in animo, qui vice luminis est, ⁴³ cæca nox fuerit; quanta caligo erit? Si animus recte affectus Deoque probatus non est; quam lubrica & intuta (cf. 1 Joh. II. 11) erit omnis agendi ratio? Videndum igitur, ne animus cæcutiat rerumque fluxarum (Matth. VI. 19) cæca cupiditate raptus Deo nequeat esse addictus (v. 24). Quæ Lucas XI. 36. simili ad-

43) Si *protasis* allegoriæ spectes, τὸ φῶς hoc loco (Matth. VI. 23.) *oculus* est, qui etiam v. 22 dicebatur *lumen* hominis (corporis) proprium. Unde Luc. XI. sententiam (v. 35), nostræ similem, excipit (v. 36) *mentio corporis* lucidi, ut manifestum sit, τὸ φῶς τὸ ἐν τῷ σώματι (v. 35) esse τὸν λαμπρὸν τὸν ΣΕΡΜΑΤΟΣ, oculum (v. 34).

admonitioni (v. 35) subiecit, ea versiculum 33. respicere illumque cum sequentibus duobus conjungere videntur. Christus se v. 33, ut alias Matth. V. 15⁴⁴ discipulos, *lucernæ* comparaverat, quæ abdi aut tegi non soleat, sed, quamvis conspicua, lumen *corporis proprium*, idque sanum, requirat, si conspici ipsa totique corpori lucem debeat impertire (Luc. XI. 34). Jesus & doctrina & miraculis tam conspicuus fuit, ut auditores doctrinæ ipsius originem divinam videre, illaque admissa (v. 28), mentem (cf. v. 32) totamque vitam mutare, & conjuncta (Matth. IV. 17. V. 20. VII. 21) beatitudine (Luc. XI. 28) gaudere potuissent (X. 13. Jo. XV. 22. 24). Sed multorum oculi sic caligarunt (IX. 36. cf. über den Zweck Joh. p. 10), ut in media luce, quam non agnoscere mirarentur alii (v. 30 ss), vel accusarent tenebras (Luc. XI. 15) vel clara luminis documenta flagitarent demum (v. 16. 29). Tam vitiosus (*πονηρός* v. 34. coll. 29) & ab amore veri tam vehementer alienus animus non admisit utique divinum lumen (v. 33), cujus beneficio systema actionum (*το σῶμα* v. 34) luce impertiri, h. e. melius & beatitati conjunctius effici potuisset. Cuivis ergo, num animus, qui pro lumine ipsi esse debebat, tam graviter cœcutiret, ante omnia dispiciendum (v. 35), & curandum erat, ut veri amantior fieret. Si igitur (v. 36) hoc (v. 35) factum esse sumamus, si nimirum animus vero pateat divinoque lumini (*τὸ λογικὸν τὸ θεῖον* v.

44) Similiter cum sole (Jo. XI. 9) tam se ipse (VIII. 12), quam discipulos (Matth. V. 14) comparavit.

v. 28) aditum permittat, si oculus sit integer, siue, quod eodem redit, (v. 34), corpus beneficio oculi totum luce fruatur, ut nullum membrum in tenebris versetur; corpus erit lucidum totum *ea ratione, qua fit, ut lucerna fulgore suo* (v. 33) *aliquem collusret*. Doctrinam Christi integro animo exceptam atque reconditam (v. 28) non singulis tantum nigris actibus, v. e. criminationi, qualis v. 15. legitur, ob stare, sed totum systema actionum mutare, ut nequeas te velut partiri hostibus & amicis Christi (v. 16. 23. 29. cf. Comm. in epp. ad Hebr. p. 543. f.), vitiis & virtutibus, non magis mirandum est, quam quod ⁴⁵⁾ candelæ splendor non uni tantum alterive membro, sed toti corpori unius oculi beneficio præluceat. Si veritatis lux penetraverit in animum, ad actus, qui proficiuntur ab animo, cujuscunque tandem sint generis, non potest non dimanare. Cum animus doctrina Christi collustratus est, per omnis generis luculenta facta exsplendescit (Matth. V. 16).

VI. 34

45) Tautologia, ad quam tollendam *Maldonat* cogitavit de voce *apudatos* pro *apudatos* vocabulo substituenda, alii vero alias conjecturas attulerunt (cf. perill. *Michaelis* Einl. in das N. T. p. 647. Zsf. p. 159), facile depellitur, si modo recogitemus, in priore parte enunciati v. 36. quemadmodum in versiculo 35. qui certe non præcipit oculi, sed animi curam, non tam protasim similitudinis, e v. 34. repetitæ, quam *apodolm*, h. e. vim doctrinæ Christi in omnes vitæ partes, spectandam esse, hancque in altera parte enunciationis (v. 36. extr.), duce versiculo 33, illustrari potuisse comparatione cum lucerna.

VI. 34. Η *ήμερα* respondere videtur hebraico *היום* (Obss. p. 119), disjuncto *της αυριον*. „Ærumnæ satis habet hæc (*hodie*na) dies, ut nihil sit, quod præsentis temporis ærumnam cumuletis metu eorum malorum, quæ *cras*ina dies sive futurum tempus forte afferat.“

XI. 25. fs. Cum recogitaret Jesus, quam obstinate (v. 16-18) aliena sit ab ipso multorum voluntas (v. 2. 3. 6. ⁴⁶) 20—23), etiamsi Joannes (v. 7—14) & ipse (v. 4. f. 20) communem in regno divino auditoribus commendando operam posuerint (v. 18. f.); mox (*εν κεινω τω καιρω*) recreavit mentem læta gratiarum actione, quod Pater pro voluntate sua benigna (*ευδοκια* v. 26. cf. Luc. XII. 32. Pl. V. 13. Ll. 20. LXIX. 17.) eas res, in quibus ⁴⁷ per-

egri-

⁴⁶) cf. über den Zwek Joh. p. 23. 304.

⁴⁷) Vox *ταυτα* Matth. XI. 25. spectare quidem poterat ad ea, quæ Jesus paullo ante de se ipso (v. 3) docuerat (v. 4. 6. 10—14) & miraculis firmari dixerat (v. 4. f. 20), sed quæ vix attendi conquestus fuerat (v. 19. fs). Quoniam vero eadem vocula Luc. X. 21. in *antecedentibus* non habet, quo referatur: utroque loco ad *sequentia*, h. e. ad ea, quæ Jesus de sua doctrina *in animo* habebat dicere (v. 22. cf. Matth. XI. 27), pertinere potius videtur, quemadmodum Am. I. 3. 6. (Obss. p. 400) suffixum in verbo *אֶשְׁכַּח*, & Matth. XVII. 18. pronomen *αυτου*, quod ad *μαρτυριον* referri loca similia (Marc. IX. 25. Luc. IX. 42) jubent, non ad antecedentia, sed ad *consequentia* spectat. Quo pacto sensus est: „finis quidem, ut hoc, quod a te institutus in medium proferre soleo (Matth. XI. 27), intelligentes fugiat, *sed* (Ebr. IV. 5. k) patefacis rudibus,” aut, quod idem dicit, „*tamen* hoc præterit intelligentes, *tamen* (cf. Aët. XXVIII. 26) id patefacis rudibus,” aut, si malis, „hæc, quæ intelligentibus finis esse incognita, rudibus certe patefacis.”

egros esse sinat (cf. conjunctiss. *Goezium* in Matth. XI. 25.) intelligentes, *rudibus certe patefaciat* per (v. 27) filium, cui omnia tradita & praecepta sint (cf. *Goezium* in v. 27) a Patre, ut Patris (v. 25) doctrinam (cf. Joh. VIII. 28. XII. 49. f. VII. 16) accipiant, qui ab ipso discant (Matth. XI. 29), sed qui cum Patre eam quoque conjunctionem habeat, ut mirandum non sit, cur intelligentissimi quique, qui *ipsum audire nolint*, cum omni sua intelligentia nec Patrem nec filium cognoscant & nihil eorum videant (v. 25. cf. Jo. IX. 39. ⁴⁸⁾ XV. 21. 23. f.), quæ vel indoctissimi *ab ipso* (Matth. XI. 27. extr.) seu a Patre (v. 25), *cujus* doctrinam ipse proferat, accipere possint (v. 27). *Intelligentes*, quos notavit Dominus, Pharisei maxime & legisperiti fuerunt, ad quos etiam superior querela (v. 16—19) respexit (Luc. VII. 30). *Rudium* contra indoctorumque (*ἄνθρωποι*, cf. *Kypke*) nomen præcipue quidem *discipulos* Christi (Matth. XI. 11. 12. ⁴⁹⁾ cf. quoque Luc. X. 21. cum 17. fs) significat, qui alias quoque, cum tenuiores fere & contemti essent, *μικροί* appellantur (Matth. XVIII. 6. 10. 14. Luc. XII. 32. cf. S. R. *Noesselt* Opusc. Fasc. I. Diss. I. §. VIII), sed pertinere tamen etiam videtur ad alios, qui ad suscipiendam Jesu disciplinam invitandi demum ⁵⁰⁾ erant (Matth. XI. 28. f.).

Nam

48) cf. Diss. de sensu histor. p. 7. über den Zweck Joh. p. 10.

49) Diss. de notione regni coel. p. 15. f.

50) Vis verbi *παρακλησις* (Matth. XI. 25) non obstat, cum aoristi sæpe *præsens ac futurum* tempus una cum præterito significant. cf. *Raphaeilium* ex Xenoph. ad Luc. I, 51, & *Vigerum* de gr. dict. idiotismiis p. 204. fs.

Nam in contenta atque indocta (Jo. VII. 49) plebe (υπηκοῖς Matth. XI. 25. πτωχοῖς v. 5), quæ & Joannem (Luc. VII. 29) & Jesum (Matth. XI. 5) simpliciore animo audit, quam plerique honoratorum (v. 18. f. coll. Luc. VII. 29—35. Jo. VII. 48. f. XII. 42. f.), complures haud dubie fuerunt, qui, quamvis nondum addixissent se Jesu, probe tamen persentiscerent (cf. Marc. I. 22. Matth. VII. 28. f. Joh. VII. 46), quam *πραὸς καὶ ταπεινός* (Matth. XI. 29) sive quam remotus esset Jesus a durtie & fastu vulgarium magistrorum, qui, ignorantia & miseria populi nec modice tacti (cf. *εσπλάγχνισθαι* IX. 36. & v. 13), de animis auditorum ad sanitatem & tranquillitatem reducendis (cf. *ἀναπαύειν* XI. 29) non laborarent, sed homines, cetera neglectos (*εργιμμένους*, cf. *Kypke* ad IX. 36), curarent tamen molestis pariter ac inutilibus præceptis onerandos (cf. *φορτίζειν* XI. 28. Luc. XI. 46); aliisque modis (Jo. X. 1. 8. 10. ¹¹ Matth. XXIII. 14. 25) divexarent (cf. *εσχυλμένοι* IX. 36); eos denique, qui opis & consilii potillimum indigerent (v. 11. f.), & quibus *ὁ ταπεινὸς τῇ καρδίᾳ* (XI. 29) etiam cum sua contumelia (v. 18) quam mitissime (cf. Luc. XV) subveniret, prorsus fastidire solerent. Tales igitur auditores, qui legis peritorum disciplina fatigati (*κοπιῶντες* Matth. XI. 28. cf. *Kypke* ad Jo. IV. 6) essent, ad suam disciplinam Jesus eo affectu allexit, qui in femina, vitæ flagitiosæ poenitentiam agente, sed per vulgarem disciplinam nullo auxilio adjuta, tantos facile, cum sermonem Christi (Matth. XI. 28. fs) audiret, fiducia, amoris & grati animi sensus cingere potuerit, quantos historia, nostram ex-

cipiens

51) cf. über den Zweck Joh. p. 21, f.

ciens (cf. über den Zweck Joh. p. 318), describit (Luc. VII. 37. f. 44-47).

XII. 5-8. Etsi verba: ο υιος τυ ανθρωπου (v. 8.) de *hōmine universim* consueveramus interpretari; nuper tamen dubitationem attulit is ipse locus (Marc. II. 27. f.), quo maxime nititur *Grotius* (ad Matth. XII. 8). Mirari enim cœpimus, unde sit, quod Marcus II. 27. voce τυ ανθρωπου iterum utatur, sed v. 28. eam subito formulam substituat, quæ, singulariter & cum articulo posita, apud Marcum & ceteros evangelistas *Jesu* propria esse, & eorum fere judicio, qui de magnitudine Jesu propter humanitatem & vilem conditionem ejus minus recte existimarent (Joh. I. 47. Act. VI. 14), ipsiusque humilitatem (Matth. XVI. 21) ac dignitatem (v. 16-20) conciliare non possent (v. 22. f.), hætenus opponi solet, ut Jesus homo (υιος ανθρωπου Jo. V. 27. cf. Ebr. II. 6. Marc. III. 28) quidem esse dicatur, sed (Jo. I. 52. Act. VII. 56. Matth. XVI. 13. 27. f. XXVI. 64. Marc. VIII. 38) eminentissimus (cf. articulum Ap. III. 17. Obs. p. 122. f.), uno verbo, talis, qualem Daniel (VII. 13. f.) memoraverit, qui, tametsi æqualibus, in terra versantem conspicientibus, mira & incredibilis res visa fuerit (Jo. V. 28), tamen, cum idem (Matth. XXVI. 63. f. XVI. 13. 16. f.) Dei filius sit (Jo. V. 17-26), judex constitui *potuerit*, eaque ipsa de causa, *quod homo sit* (v. 27. cf. über den Zweck Joh. p. 510. f.), judex *hominibus* datus fuerit (v. 22. Matth. XVI. 27). Uno verbo, ο υιος τυ ανθρωπου, *Christum* dicit, quod ipsi auditores Jesu. vi-

derunt (Jo. XII. 34). Neque etiam hæc notio a contextu vel Marci vel nostri loci abhorret. Ut enim Matth. XII. comma quintum, cujus clausulam versiculo 7. extremo respici, *Ven. Ilesu* (Gesch. der drey letzten Lebensjahre Jesu T. I. p. 177) scite observavit, *dignitatis Jesu*. (cf. v. 41. 42) haud obscura significatio excipit (v. 6); ita simile pronunciatum se, timo etiam versiculo subjici (v. 8), non improbabile est. Si multo laboriosiora opera, quam quibus (cf. *Lightfoot* ad v. 2) opus fuerat discipulis Jesu ad victum quaerendum (v. 1), sacerdotes sabbato *templi gratia* (cf. v. VI. 7), ne de cultu ipsi debito, nominatim sacrificiis, detraheretur, facere consueverant, idque impune, cum agerent lege (XII. 5): multo etiam magis infantes (v. 7) erant discipuli, cum tantula opera cibum caperent eo modo, quo deberent sumere *propter Christum*, non sacerdotibus tantum, sed ipso, cujus causa isti essent, *templo majorem* (v. 6). Quippe enim Christus etiam sabbati tempore munus, sacerdotali multo gravius, administrabat, suosque discipulos comites habere volebat, ut non vacaret ipsis cibum sibi parare, quo sabbati die vescerentur (v. *Grotium* ad Matth. XII. 6). Etiam si vero tantam dignitatem, quæ ipso etiam templo sanctior esset (cf. Jo. V. 23), adversarii recussissent Jesu concedere: *prophetam* certe potuissent agnoscere, cujus doctrina (cf. Matth. IX. 12. f. 36) & miracula (Act. X. 38. Jo. X. 32) homines miseros insigni *beneficio* ornarent, quod per scholam ipsius posset etiam latius patere (cf. Matth. IX. 37. f. X. 7. f.). Atqui Deus misericordia delectabatur magis quam sacrificiis. (XII. 7), quibus tamen faciendis sacerdotes impune

pune & legi convenienter sabbatum violabant (v. 5). Unde promptum erat, Jesum *divinae voluntati* (Luc. IV. 43. & Joh. XVII. 6. 8. 12. 14. Act. I. 21. f.) non minus obsequi quam sacerdotibus, cum sabbato quoque (Jo. V. 16. 17. ⁵²) muneri satisficeret, hoc est, docendis sanandisque hominibus, & discipulis in comitatu suo eidem beneficentiae præparandis, misericordiam hominibus adhiberet (Matth. XII. 12. Luc. XIV. 3-6. Jo. VII. 23). Quodsi ergo Pharisei vel pronunciatum illud sacrarum literarum tenuissent, de quo nuper (Matth. IX. 13) Jesus admonuerat; discipulos ipsius reprehensuri non fuissent, quippe infantes manifesto (XII. 7). Nam (v. 8.) *Jesus*, tametsi universa dignitas (cf. v. 6) *τῆς υἱοῦ τοῦ ἀνθρώπου*, per quam ipse sabbati auctor (cf. Ebr. XII. 26. ο) eoque nomine absolutus dominus (Joh. V. 16-18. ⁵¹) fuerat, nondum agnosceretur, *hac* certe *de causa* (cf. ως Maro. II. 28) etiam sabbati usurpandi potestatem habebat, quod sabbatum erat *hominum* gratia, nec vero homines sabbati causa erant (v. 27). Atqui Jesus operibus, quæ sabbato ediderat, & quibus conjunctissima fuerat necessitas actionis (Matth. XII. 1), cujus potestatem Jesus fecerat discipulis (v. 6. 7), quæ vero in Phariseorum reprehensiones incurrerat (v. 2. 7), haud profecto minorem hominibus misericordiam impertitus fuerat, quam sacerdotes, qui, ut hominibus sacra faciendo inservirent (Ebr. V. 1.), ex legis sententia ipso etiam sabbato urgere debebant opus suum (Matth. XII. 5).

XXIV.

⁵²) cf. über den Zweck Joh. p. 196.

⁵¹) L. c. p. 197. f.

XXIV. 22. Ad æquales temporum excidii *christianos* (cf. Ven. *Lessum* über die Relig. T. II. p. 524), qui mature (l. c. p. 559) aufugerant, longinquitas vel brevis *obsidionis* Hierosolymorum nihil magnoperè pertinuit (v. perill. *Michaelis* ad v. 20. 22. p. 245. f.) Neque etiam *obsidii* exitus talis fuit, ut a superstitionibus *Judæis* haberi potuerit loco *beneficii* (v. S. R. *Lessum* l. c. p. 555. Apol. der Offenb. Joh. p. 296—299). Nec denique causa intelligitur, quomobrem *longior Hierosolymorum obsidio* perniciem *universæ* nationis, populivæ, *per tot tamque diffitas regiones dispersi*, talem internecionem asserre debuisset (cf. celeb. *Michaelis* ad v. 22. p. 245), ut *posteritati*, cui Deus prospicere voluisse dicitur, nullus omnino locus relinqui potuisset. Malumus ergo calamitatis (v. 21. 29.) tempora (*τας ημερας ταυτας* v. 22) de populi Judaici *universo* exitio (Luc. XXI. 23), h. e. de urbis excidio *ejusque consequentibus* (v. 24) accipere (cf. Apol. cit. p. 323). Quod si populus Judaicus malis, funestissimo bello conjunctis & feræ posteritati propagatis, ut hætenus, ita semper permetteretur: nemo fere (cf. Jo. III. 32. Luc. XV. 1.) Judæorum consecuturus esset (cf. Rom. IX. 31. Is. XI. 7—10. 20—22. 25. 28) salutem, ex evangelii (Matth. XXIV. 14) obsequio pendentem (v. 13. 33) Unde nec miramur, incassum fere omnes labores fufos fuisse, quos inde ab excidio urbis ad christianam doctrinam Judæis com-

53) *Σωθῆναι* h. l. non si dicuntur, qui incolumes a calamitate futuri sint, sed quorum fidelitas erga Jesum calamitate & ipsa morte (v. 9) non labefiat. Similiter X. 22. ille demum *σωθῆναι* dicuntur, qui odia hominum & mortem ipsam (v. 21. f.) Christi causa (v. 18. 22) fortiter ferant.

commendandam impenderunt. Sed ingentis mali continuatio divinitus (Marc. XIII. 20) inhibebitur (κολοβωθῆσονται αἱ ἡμέραι ἐκινῶσι) propter eximios homines (τῆς ἐκλεκτῆς Matth. XXIV. 22. cf. Rom. XI. 7), quos in illa gente Deus reperiet. Horum salutem (v. 26) & fidem, unde pendet (v. 23), suo tempore (v. 25. coll. Luc. XXI. 24. & Apol. der Off. p. 323) juvabit etiam externa, qua populus diu projectus (v. 23. f. Matth. XXIV. 21) incipiet uti, conditio pristinaeque calamitatis exitus (v. 22).

XXIV. 30. ΤΟ ΣΗΜΕΙΟΝ Τῆς υἱοῦ τοῦ ἀνθρώπου hoc eodem versiculo cum formula Τῆς υἱοῦ τοῦ ἀνθρώπου commutari ipsumque igitur *Christum* significare videtur. Locus certe similis (Luc. XXI. 27), qui τὸ σημεῖον τῆς υἱοῦ τοῦ ἀνθρώπου non commemorat (cf. Marc. XIII. 26), sed ipsum adventum Τῆς υἱοῦ τοῦ ἀνθρώπου terribili expectationi τῶν ἐπιχόμενων (Luc. XXI. 25. f.) continuo subjungit, nostro loco tanto exquisitius respondebit, si Matthæi verba in hanc sententiam interpretemur: „conspicietur τὸ σημεῖον τῆς υἱοῦ τοῦ ἀνθρώπου in cælo. Atque tum (exitus respondebit horribili (Matth. XXIV. 29) nationum (ἐθνῶν Luc. XXI. 25) expectationi, quippe) lamentabuntur omnes nationes (v. Apol. der Offenb. §. 22. not. 3.), quod (cf. καὶ alteram Ap. XIX. 3. cum σὺ v. 2 6. & Obfl. gr. p. 301) videbunt τὸν υἱὸν τοῦ ἀνθρώπου venientem in nubibus cum magna majestate.“ Nomen vero Τῆς υἱοῦ τοῦ ἀνθρώπου vocabulo ΣΗΜΕΙΟΝ (in genitivo appositionis, cf. Ebr. XI. 38. 2) propterea jungitur, quod Christus hoc tempore non, ut alias & in ipsa, quæ superius (Matth.

XXIV. 15. *Is.*) prædicta fuerat, nationis Judaicæ insigni calamitate (cf. l. c. §. 22. not. 2), sed nova plane & *mirificissima* ratione majestatem suam & virtutem manifestabit. Post varia *miracula* (*σημεία* Luc. XXI. 25), *in sideribus cæli* extitura (Marc. XIII. 24. Matth. XXIV. 29. init.), *in cælo* conspicietur (v. 30) aliud *miraculum*, nempe filius hominis; Christus ita se ostendet, *ut sit miraculo*. Neque enim *solo* effectu, ut antea (v. 15. *Is.*), sed, quod novum & inauditum est, *ipse* (Act. I. 11), qui adhuc a conspectu terricolarum abditus est (Col. III. 3), sed, quia homo est (Jo. V. 27), secus, ac pater (v. 22) invisibilis (1 Tim. VI. 16), potest certe humanis oculis cerni, denuo (Ebr. IX. 28) conspicietur, quumque non effectus tantum, a Christo *in terra* edendus, sed ipse *in cælo*, sive, quam interpretationem in extremo versiculo 30. Matthæus substituit, *ἐπὶ τῶν νεφελῶν τοῦ οὐρανοῦ* conspicietur, extraordinariæ majestati (*δοξα, μὲν καὶ δόξα πολλή*), quæ in ipso apparebit (cf. v. 31. XXV. 31), etiam *extraordinaria magnitudo* effectuum (XXIV. 29. extr. 54) XXV. 34. 41. 46. 2Thess. I. 7—10) respondebit, *potentium latissime*, non ad populum singularem (Luc. XXI. 23), sed ad *omnes* (*πᾶσας τὰς φυλάς τῆς γῆς* Matth. XXIV. 30. cf. v. 31. XXV. 32) pertinentium, Neque est, quod offendant aliquis in significato miraculi, quem

54) Cum adventu Domini ipso non tantum portentosa eventa in sideribus, ceterum perdurantibus (v. 29. init. Marc. XIII. 24. Luc. XXI. 25), sed ipsorum siderum eversio, & ruinæ (Matth. XXIV. 29. extr. Marc. XIII. 25. Luc. XXI. 26. coll. Ebr. XII. 26. f. 2 Petr. III. 7. 10—13. App. XX. 11) conjunguntur (Matth. XXIV. 30. Marc. XIII. 26. Luc. XXI. 26. *τοῦτο*),

quem vocabulo σημειν; quamvis non de *re*, sed de *homine* usurpato, tribuere ausi sumus.⁵⁵⁾ Etenim Luc. XI. 30. ubi vox σημειν perspicue *miraculum* dicit (v. 29. coll. 14-16), tum *Jonas* tum *Christus* (ο υιος του ανθρωπου) æqualibus miraculo (σημειον) fuisse leguntur, quoniam (Matth. XII. 40) *in persona* utriusque⁵⁶⁾ miraculum (σημειον Jo. II. 18) revocationis ad vitam (v. 19-22) extitit. Unde nec dubitamus Luc. II. 34. *miraculum* (σημειον) intelligere, in quo (cf. v. 33) Jesus cum a Simeone (v. 26. f. 30-32), tum a matre inprimis (l. 29. 34-37. 49), cui hæc nominatim dicta fuerunt (II. 34), putari debebat, quod vero post Herodem, primum, quumque Simeon loqueretur, recentissimum⁵⁷⁾ adversarium (Matth. II. 13. fs), multi deinceps, etiam cum summo matris dolore (Luc. II. 35), in dubium vocaturi & impugnaturi erant (Joh. VI. 42. VII. 12. 41-43. Matth. X. 25. XI. 19. XII. 23. f. XXVII. 39-43. 63. f.).

XXIV. 33. Ταῦτα πάντα non ad *proxime dicta* de præsentia judicis (v. 30. f.), qui potius ipse⁵⁸⁾ ex *istorum omnium* (τῶν πάντων

55) cf. Ven. Mori Dissertt. p. 143. fs.

56) De *Jonas* v. conjunctiss. *Gazium* in l. c. et ill. *Eichhornii* Einl. in A. T. P. III. p. 243. f. 252.

57) cf. *Hartheri* Harm. Anmerk. P. I. Anm. 3. 4. 6.

58) Verba *εγγὺς ἐστὶ τοῦ θανάτου* (v. 33) ad personam (cf. Jac. V. 9) *ταῦτα πάντα* de qua Matth. XXIV. 30. f. sermo fuerat, tanto certius spectant, quod Lucas XXI. 31. *τῇ βασιλείᾳ τοῦ θανάτου*, cum ista eveniant, imminere scribit. Atqui regnum divinum, in quo piorum salus consummata erit (v. 28), tum aderit, cum Dominus redierit (v. Diff. 40

παύται) eventu inflare demum intelligitur, sed ad longam illam populi Judaici calamitatem ejusque finem, quæ superius ⁵⁹⁾ descripta fuit (v. 15-29), pertinere, sequentia (v. 34) docent, ubi hujus nationis judaicæ (τῆς γενεᾶς ταύτης, cf. Neue Apol. der Off. p. 324. f.), quæ v. 33. ob oculos Domino versabatur, expressa mentio fit: „cum ista omnia, & calamitas longa judaicæ gentis (not. v. 22) & finis calamitatis (cf. μετὰ v. 29. Marc. XIII. 24. αὐτῆς Luc. XXI. 24), exitum habebunt, ante oculos positum erit indicium appropinquantis adventus Domini & regni ejus (cf. Apol. der Off. p. 323). Neque enim metuendum est, ne tanta (v. 23. Matth. XXIV. 21) calamitas multo ante extirpet hanc gentem, quam nova & maxima documenta majestatis Christi terræ impendeant; sed durabit, dum ista omnia, etiam quæ de exitu calamitatis prædicta sunt, evenerint.„ Quo pacto significatum vocabuli γενεᾶ, quem sumimus, non usui tantum loquendi consentaneum, quamvis paullo rariorem, sed ipsi etiam con-

tex-

de notione regni cœlestis §. VIII). Ceterum hic quoque locus (v. 31) argumento est, v. 27. Matth. XXIV. 30. f. de animadversione in Judaicum populum nequaquam agi. Nam, everfis Hierosolymis, neque adventus regni divini, quem speramus adhuc, dici potest appropinquasse, neque præconium evangelii, quod ante excidium urbis latissime patuit (v. perill. Michaelis ad v. 14), prope demum absuit. Sed aliis quoque incommodis ægerrime se expediunt (v. cel. Michaelis ad v. 31. Luc. XXI. 25. p. 248. f. 481), qui prædictum Christi Matth. XXIV. 29. fs. non ad futura tempora (cf. Apol. der Off. §. 22. not. 4), sed ad Hierosolymorum interitum referunt.

59) Sic ταύτην Matth. XV. 15. non ad proximam sententiam (v. 13. f.), sed ad superiorem (v. 11) respicit (v. 17—20. cf. Marc. VII. 17. cum v. 15. 18—23). Adde ταύτην 2 Tim. II. 21. coll. 16. f. & Obfl. gr. p. 400.

textui, quod perill. *Michaelis*, qui prius illud omnino diffiteri non audet, in ea, quam secuti sumus, interpretatione desiderat (ad v. 34. p. 251.), aptissimum esse confidimus. Neque magis altera, quæ p. 235. e v. 40. f. objicitur, difficultate movemur. Dudum enim ab interpretibus (v. c. *Bengelio* in Gnom.) soluta est e versiculo 31. qui Viro celeberrimo tantum negotii faceffivit (p. 248. f.). Quidni enim boni, quos angeli ⁶⁰ colligere (v. 31) itemque (cf. 2 Petr. III. 5-7. & *Erasmi* Paraphr. in Matth. XXIV. 40. f. p. 155), ut familiam servandam Noachus (Matth. XXIV. 37. f.), recipere (*παραλαμβάνειν* v. 40. f.) dicuntur, evadere (Luc. XXI. 36) queant periculo, cui pars relicta succumbet?

XXV. 46. Κολασιν αἰώνιον *sempiternam* poenam ⁶¹ esse, eo minus dubitamus, quod, *Iosepho* auctore, tum Pharisei (L. II. de bell. jud. c. 8. §. 14. p. 166. cf. L. XVIII. Antt. c. 1. §. 3. p. 871) Αἰάιον τιμωρίαν, tum Esseni quoque (L. II. de bell. c. 8. §. 11. p. 165) τιμωρίας ἀδιαλείπτους crediderunt, neque igitur discipuli Jesu, *sempiternæ* in impios animadversionis expectatio-

60) Etiam XIII. 49. bonos malosque homines separaturi leguntur angeli, idemque ipsum v. 41. confirmatur, sed prægressa comparatio (v. 28—30. 40) flagitavit, ut hoc loco mali potius (v. 38), quam boni. dicerentur colligi.

61) *Ἀπερχομαι εἰς κόλασιν* valet *pervenire* (Incurrere) in animadversionem, *adire* (subire) poenam, quemadmodum *ἀπερχομαι εἰς ζωὴν* & v. 21. 23. *ἀπερχομαι εἰς τὴν χώραν* est *adire* beatitudinem, lætitiā. cf. Luc. XXIV. 26. & Diff. de notione regni cœlestis not. 19.

tione dudum imbuti, vocabulum *αιωνιον*, quamvis per se ambiguum ⁶²⁾, in aliam partem interpretari potuerunt, nisi, quod seculus est (cf. v. 41. & Marc. IX. 43-46. 48. ⁶³⁾), poenis impiorum vel in hoc ipso contextu vel alias diserte Christus finem statuerit. Et nihil profecto est, quod amanter optantes atque sperantes in causa damnatorum contra iudicis (Matth. XXV. 31. ss.) amantissimi (v. 40. 43) auctoritatem in jejuna calumnia delitescant. Qui enim damnatos pedetentim ita progressuros sperant, ut meliore sensim mente ac conditione sint, ipsi tamen sententur ⁶⁴⁾, damnum certe, quod miseri faciant, non posse non ⁶⁵⁾ *sempiternum* esse, eaque clades cum beatitatis & dignitatis jactura, quam ipsi etiam beati sua culpa ⁶⁶⁾ fecisse possunt, ne comparari ⁶⁷⁾ quidem debebat, sed longe alio sensu *poena* sempiterna dicitur. Nam qui meruerunt, ut beatitatis gradus *in-*
ferior

62) v. celeberr. Eberhardi Neue Apol. des Sokrates T. II. p. 514. f. & S. V. Döderleini Instit. Theol. christiani §. 223. Obs. 1.

63) Priore loco improborum hominum poena conjungitur cum diaboli poena, quæ per omnem diaboli vitam durabit (Gen. III. 14. cf. Commentat. de protevang. p. 8. 18). Altero loco poena, (*πυρ και σκυδαλ* Sir. VII. 17. cf. celeb. Schrameri Spicil. II. post Bielium p. 159) aversus, h. e. (Ebr. IV. 8. p.) eorum, qui *αποστρεφονται εις την γεννην*, eis *ο ο πυρ το αβυσσος* (Marc. IX. 43), non emori, sive, ut Josephi formula (L. II. de bell. c. 8. §. 11. p. 165) utamur, *αδραντος τιμωρια* esse dicitur.

64) v. celeb. Eberhardum T. I. p. 429. T. II. p. 482. f.

65) v. cl. Beyer Versuch über die Strafen der Verdammten u. deren Dauer p. 53. ss.

66) Quæ aliunde (v. Comm. in ep. ad Hebr. p. 629. f.) pendet, graduum diversitas huic questioni prorsus aliena est. v. laudati Beyer Fortgesetzten Versuch über die Strafen der Verdammten p. 96. ss.

67) cf. l. c. p. 81—95.

ferior ipsis decerneretur, numquam certe in *damnatorum* (v. 41) numero, sed in *decoratorum* (v. 34) ordine iudicis sententia habiti fuerunt (Luc. XIX. 19. 2 Thess. I. 10. Rom. II. 10), cum contra illud detrimentum, quod damnati patientur, sit ejusmodi, ut vitæ eorum *universæ* turpitudinis hanc *notam* inurat, quod *fero*, & *damnati* demum *ad proprium supplicii locum*, per plagas ibi acceptas sapere ceperint. Deinde *perpetuitas aliorum* quoque malorum, proficiscentium, ut his utamur, a corporis, ad pœnam facti (Jo. V. 29), habitationis (Marc. IX. 44. 46. 48. *οπη*) & societatis, quamvis variabili (Matth. XI. 22. 24) & profectui in bonis animi convenienter decrescente, incommoditate, necessaria esse possit ad animos, qui tam ægre corrigebantur, in officio retinendos ac sensim longius provehendos, ipsisque igitur damnatorum resipiscentium commodis, non modo *naturalis* illa *damni* pœna, sed *positivarum* quoque pœnarum *sempiternæ* reliquæ servire queant. ⁶⁸⁾

XXVIII. 1. Quamquam probasse nobis videtur *Kypkius* (p. 144), formulæ *οψι σαββατων* propriam vim eam esse, ut non *confectum*, sed *extremum* sabbatum dicat: ea tamen a *Grotio* & aliis (cf. S. R. *Doederlein* *Fragm. und Antifragmente* P. I. p. 251) exempla putamus esse prolata, unde efficiatur, huic quoque versioni locum esse: *finito sabbato*. Neque etiam, utile natus fuerit hic usus loquendi, mirabitur, qui recogitaverit, ut *extre-*

68) v. S. R. *Griesbachii* *Anl. zum Studium der popul. Dogmatik* §. 111.

tempus sabbati, hoc loco, ita alias *alia tempora* non pro *labentibus* habenda, sed *effluxisse* putanda esse (Obss. gr. p. 268. 253. f.). Vicissim *esse* loquendi formæ, quæ *transactum* tempus *proprie* significant, de rebus *intra* hoc tempus gestis usurpantur (v. über den Zweck der evl. Gesch. Joh. p. 336). Jam vero Matthæi verba in priorem sententiam commode accipi non posse, contra *Kypkium* (p. 145) celeberr. *Michaelis* (Erkl. der Auferstehungsgesch. Christi p. 108. f.) ostendit. Mulieres igitur, *sabbato*, quo ipso nec aromatibus parandis ad iter se accingere (Marc. XVI. 1. cf. Luc. XXIII. 56. & celeberr. *Doederlein* p. 244. f. perill. *Michaelis* p. 101. fs), nec iter suscipere voluerant, rite *transacto*, *illucescente aurora* (cf. *Kypke* p. 146.) *primæ* (ὡς μίαν pro μίας⁶⁹) *feriæ*, sive, ut Marcus scribit (XVI. 2), *λίαν πρωί τῆς μίας σαββάτων*, cum sol in eo esset, ut (cf. 2 Tim. IV. 6. f. Diff. de notione regni cœlestis not. 22. & *Elsnerum* ad Luc. V. 6.) *oriretur*, profectæ (cf. Joh. VI. 17. perill. *Michaelis* l. c. p. 112. f. conjunctiss. *Goezium* in Matth. p. 538) dicuntur ad invisendum sepulcrum. Quemadmodum vero hæc temporis finitio, quod jam illuxerit aurora, sive, quæ Marci formula idem dicit (cf. celeb. *Michaelis* p. 141), solis ortus insititerit, cum Lucæ XXIV. 1. & Joannis XX. 1. significatione conjungi possit, facile ex eo intelligitur, quod inter ipsam profectionem, mox primo diluculo institutam, hac præsertim anni tempestate (l. c. p. 126), aurora non potuit non illucescere. Matthæus (XXVIII. 1) & Marcus (XVI.

69) cf. 7 ebr. & n gr. Gen. VII. 11. (Obss. p. 284) ipsumque n 1 Petr. I. 11. (Comm. in ep. ad ebr. p. 530).

(XVI. 2) non, ut Lucas & Joannes, ipsum exitionis tempus, sed illud potius finiunt, ubi Dominus e sepulcro prodit (v. 9. 6.), & angelus, a mulieribus deinceps visus (Matth. XXVIII. 5. Marc. XVI. 5), sollicitudini, in qua feminæ proficiscentes hoc temporis puncto fuerant (v. 3.), materiam subtrahit (Matth. XXVIII. 2. Marc. XVI. 4).

MARC. III. 32. 33.

Plurales εἶπον & αὐτοῖς, similesque apud Lucam (VIII. 20. 21): *λεγοντων & αὐτῶν*; locum tamen habuerunt (Ebr. VI. 2. 2), etsi nuntium ab uno solo perlatum fuisse novimus (Matth. XII. 47. f.). Ceterum ad *λεγοντων* (Luc. VIII. 20) cogitando adjungimus participium conjugatum (Obff. gr. p. 411), ut tota enunciatio hæc sit: *λεγοντων των λεγοντων, dum dicebatur*. Eadem ⁷⁰ ellipsis apud LXX. nunc in ipsis *genitiuis* (1 Par. XVII. 24. & (in cod. Vaticano) 1 Sam. XXIV. 2), nunc in *nominatiuis* ⁷¹ consequentiz (v. c. Gen. XLVIII. 1. Ex. XVIII. 6. 1 Sam. XIV. 33. Ef. VII. 2) reperitur. Neque etiam structura Ap. XI. 1. facilius expediri videtur, quam voce *λεγων* in hanc partem accepta, ut idem dicat, quod *λεγων ο λεγων*, seu *λεγοντος τε λεγοντος, dum dicebatur*

70) Interdum, quod omittitur, participium conjugatum non pro subiecto, sed *praedicatum* est, ut Ef. XVIII. 2. מְשִׁיחַ (sc. מְשִׁיחַ), & ἀποσταντων (sc. ἀποσταντων εἰς) valet: mittens (mittit) nuntios, i. e. (Obff. p. 412. f.) mittuntur nuntii. cf. similes ellipses Obff. p. 406. n. III.

71) Exempla *nominativorum* consequentiz dabit *Erasmus Schmidius* ad Matth. X. 14.

batur (cf. λεγομεν Ez. XII. 22), aut, si malis, & dicebatur, quemadmodum 2 Reg. XVIII. 36. λεγων significat: & edictum erat.

IV. 21—25. Christus, ut reliqua (Matth. X. 26. f.), quæ separatim a turba discipulis tradidit, sic etiam lumen, *parabolis*, publice dictis, seorsum inter discipulos adhibitum (Marc. IV. 10—20. 33. f.), cum aliis suo tempore communicari voluit (v. 21. f.). Imo doctrinæ, parabolis significatæ (v. 11), non alio consilio involvebantur (εγενετο αποκρυφαι v. 22) a Domino, nisi ⁷²⁾ ut obscuritas ipsa ⁷³⁾ nobiliores (v. 11) certe parabolarum auditores ad magistri sententiam indagandam &, si ab ipsis (Matth. XIII. 51) reperiri non posset (Marc. IV. 13), e Domino sciscitandam (v. 10. Matth. XIII. 36) provocaret, hacque via (Marc. IV. 34) oboriens lux (v. 21) sensim longius manaret. Ne multa, doctrinæ, initio testæ (v. 11. 33. f. γενομενα αποκρυφα v. 22), *per apostolos ceterosque discipulos* (v. 10) in lucem & notitiam publicam debebant proferri (ως φανερον ελθειν v. 22). Sed huic consilio discipuli servire non poterant, nisi parabolas, sive in publicum proponerentur, sive explicarentur seorsum, audirent attente, quoque studiosius animum discipuli magistro adhibebant, hoc liberalius deinceps magister discipulos aliis quoque doctrinis impetiturus erat (v. 24. f. Luc. VIII. 18).

VII.

72) cf. Grotium in v. 22. & Raphelium (ex Herodoto) in IX. .7.

73) cf. Diss. de parabolis Christi p. 19.

VII. 19. Neutrum καθαριζον ad παν το εξωθεν υποπορευμενον v. 18. perincommode refertur. Ne enim desideremus exemplum significationis, quam verbo καθαριζον hæc ratio tribuit τιν' edulia certe, quæ, ore accepta (v. 18. coll. Matth. XV. 17), ejiciuntur, vix possunt dici pura relinquare omnia edulia (Marc. VII. 19). Cum enim cibi ingesti (το εξωθεν υποπορευμενον v. 18) hoc loco spectentur ex ea parte, quæ tanquam imijura (κοιν v. 15. 18) egeritur (v. 19), iidem (τα βρωματα) haud commode possint in eadem sententia continuo spectari ex altera parte, quæ tanquam pura relinquitur seu remanet, Neque vero propterea lectionis mutatio ⁷⁴⁾ facienda est. Atqui perill. Michaelis versioni nullus locus esse videtur, nisi pro voce καθαριζον vel masculinum καθαριζοντα ⁷⁵⁾ vel το καθαριζον ⁷⁶⁾ substituas. Sententiam, quam Vir celeberrimus cum *Luthero*, *Vatable* (in Marc. VII. 19) aliisque sub hac voce αφιδρωος subjicit, ne vocabimus quidem in controversiam, tametsi altera vis, quæ

73) cf. *Cornelium a Lapide*, *Zegerum* & alios.

74) cf. *Breueri Konjekturen über das N. T.* ex edit. celeb. *Schulzisi* p. 87. f.

75) Subiecto enunciationis masculino vel feminino prædicatum neutrum respondere potest (v. *Kypke* ad Matth. VI. 34. p. 40. & *Vigerum* de gr. dictionis idiotismis p. 61), sed, masculino substantivo (των αφιδρωων) in eadem pronunciati parte adjectivum seu participium neutrum (καθαριζον) tanquam epitheton jungi, hoc est, quod dubitamus.

76) Quum participia vel adjectiva neutra substantivorum vices habent, ut καθαριζον a celeberr. *Michaelis* redditur hoc vocabulo: *Reiniger*; constanter præfigi solet (v. *Vigerum* l. c. p. 336. 259. 58.) articulus, quem etiam perill. *Michaelis* versio coacta fuit adicere.

quæ *Heinsio* (SS. Exercitt. L. I. c. XI. p. 55) & plerisque interpretibus probatur, pari jure est. Cum enim *ἰδρα*, unde *ἰδρα* profectum est, & *ἰδρα*, quæ *pars hominis* est (v. *Suidam* voc. *ἰδρα* T. I. p. 681), & *fellam*, nempe *pertusam* sive *familiaricam* (l. c. voc. *ἰδρα* & p. 392. voc. *ἰδρα*), significet: derivata etiam vox *ἰδρα* in utramque partem accipi poterat. Prioris generis significatum vocabulo subicit *Suidas* (voc. *ἰδρα*), cujus solius auctoritate perill. *Michaelis* (in *Castelli* Lex. Syriac. p. 196) defenditur. Quam enim præterea assert (l. c. p. 197. & Annot. vernacul. ad Matth. XV. 17. Marc. VII. 19. p. 164. 327. f.) Syri veteris auctoritatem, ea vocari potest ipsa in dubium, cum nullo nisi locorum Matth. XV. 17. Marc. VII. 19. exemplo probari possit, *intestini recti* significatum in vocabulo ܐܕܪܐ inesse, hoc vero ipsum in quaestione versetur, utrum vox syriaca, quæ *purgationem* proprie dicit (v. c. Marc. I. 44), duobus istis locis, ubi *tropicam* vim habet, *purgatorem* intestinum humani corporis ex sententia celeb. *Michaelis*, an locum⁷⁷ purgationis seu familiæ *fellam*, quæ *Drusii* interpretatio est (ad Matth. XV. 17), significet. Atque hanc alteram notionem, *latrinæ* nimirum *fellæve*, ipsi græco vocabulo *ἰδρα* *Hesychius* & *Phavorinus* (voc. *ἰδρα*) tribuunt. Jam perill. *Michaelis*, qui *ܐܕܪܐ* cum accusativo *ܐܕܪܐ* per appositionem conjungit, *priorem* significatum vocabuli *ἰδρα* pro certo & unice verò sumit (v. *Castelli* Lex. Syr. ex ed. cit. p. 196). Nos vero, qui

clau-

77) cf. Obss. gr. p. 76. f. & conjunctiss. *Gazium* in Matth. XXVII. 6. p. 516.

clausulam versiculi nostri ad universam, quæ præcedit, sententiam referimus, iudicium de ambigua hac voce ἀφιδρωος, ad quam extrema commatis 19. verba nihil pertinere arbitramur, lectoribus integrum reservamus, nec laboramus, *Suida*, an *Hesychii* auctoritate vis nominis definiatur. *Zegerus* quidem, etiamsi fateatur, se non videre, quo illud *purgans* (καθαρίζον) possit referri commodius, quam ad id totum, quod præcessit: *sed in ventrem vadit & in secessum (αφιδρωα) exit*, postremo tamen metuit, ne cui violentius hoc iudicetur, ejusque interpretationis, quam primam posuimus, hocque ipso nomine, quod ea potius videretur nobis dura esse, rejecimus, optionem dat lectoribus. Sed nihil erat, quod priori structuræ suæ timeret *Zegerus*. Quod si enim verba: ο ες, quorum ellipsis est tritissima (Ebr. VIII. 1. i), ante καθαρίζον παρτα &c. cogitando suppleamus, hæc profecto clausula versiculi 19. ad præcedens enunciatum universum spectare non minus poterit, quam πολλῶ μαλλον χριστον (Phil. I. 23), ες ὕδιν χρησιμον (2 Tim. II. 14), & in loco *Athenæi*,⁷⁸ quem *Kypkius* ad Luc. XXIV. 47. p. 344. f. attulit, participium neutrum εἰδισμενον ad proxime antecedentes enunciationes pertinent. Ceterum verbo *purgandi* (καθαρίζον) nostro loco non vis *purificandi*, sed hæc notio: *removere* expurgando (Ebr. I. 3. h.), subiecta videtur. Unde veritimus: *quæ res* (hoc, quod omnis generis cibi, per os ingesti, descendunt in ventrem & in anum, vel: in foricam, deferuntur),

78) Ποταμοὶ αὐτῶναι ἀνὰ διὰ τοῦτον, (δ) πρῶτον καὶ (π) εἰδισμενον.

tur,) *amovet omne genus ciborum*, qua purorum, qua immundorum, ut igitur cibi, pro immudis putati, impuritatem, qua affecti sunt, non propriam, sed cum puris cibis communem habeant, eadem utrinque via excernendam, ut pertinere ad animum nullo modo possit. Ubi vero est, ut cibi animum vitient, id ⁷⁹ neque proprium est ciborum, qui habentur immundi, sed in puros similiter cadit, & proficiscitur intus ab animo (Marc. VII. 20. f.) ejusque intemperantia (*ασυλγία*) & stultitia (*αφροσύνη* v. 22).

IX. 20. Nominativus *ιδών*, quod ex *altero auctor* intelligitur, pro *accusativo* positus est (cf. Matth. VII. 24. Obsf. gr. p. 297.). *Ægrum*, ut conspicatus est Jesum, ad quem ducebatur, illico concussit dæmon, ut (cf. Obsf. p. 302) humi prostratus volutaretur & spumas ageret.

XVI. 9. fs. E codicum, quos opera doctorum Virorum cognitos habemus, maximo numero *unus* Vaticanus 1209. (in quatuor evangeliiis græce a cel. *Birchio* editis p. 316. & Prol. p. XXI.) Marci hoc capitulum simpliciter omittit, plures vero cum scholiis exhibent, quæ vel in *quibusdam* exemplaribus id extare negant, ut codex V. ⁸⁰ S. Marix Bened. Flor. apud *Birchium*, vel in *quibusdam* exemplis hoc loco (v. 8), quousque
etiam

(79) v. *Calvinum* ad Matth. XV. 15. (Harm. p. 245) & celeb. *Michaelis* ad Matth. XV. 17. p. 165.

(80) p. 316. legitur quidem codex IV, sed correximus errorem e *Prolegomenis* p. LIII.

etiam descendat Eusebii canon, evangelistam desinere, in multis vero etiam verba: *αυας*; &c. legi ajunt, ut codd. Ven. 6. 10. apud Birchium & tres alii apud Wetstenium, nisi quod duo posteriores verba, ad Eusebium pertinentia, non habent. Gregorius Nyssenus apud Millium (Prol. 812), in accuratioribus exemplis Marci evangelium ad verba: *εφοβητο γαρ*, finem capere, scribit, de reliquo ad tollendam *εναρτιοπαγειαν* inter v. 9. & Matth. XXVIII. 1. auctor est ejus conciliationis, quæ deinceps a Victore & Severo Antiochenis, Suida & Theophylacto repetita est. Victoris judicium (cf. cel. Matthæi Evl. sec. Marcum p. 269) huc redit, „cum in exemplis quibusdam evangelio Marci hæc verba addantur: *αυας*; &c. ea vero cum Matthæo pugnare videantur, dicere se posse (*εγωμιν*, cf. Obs. gr. p. 15. f.), quod liceret profecto (*ως δυνατόν ην ειπειν*, cf. l. c. p. 16), adulterinam esse, quæ in libris quibusdam exhibeatur, Marci clausulam, sed ne videatur confugere ad id, quod proclivius esset, verba controversa ita se pronunciare, ut distinguat post *αυας*; &c.“ Deinde pergit, „hæc verba, Marci evangelio subiecta, in plurimis (*πλειους*) exemplis non extitisse, (a nonnullis enim habita fuisse pro adulterinis), se vero ex accuratis exemplis, (quippe cum ⁸¹⁾ in plerisque invenerit ista secundum (*κατα*) Palæstinense evan-

81) Accuratos fuisse libros suos, hac ratione confirmat, quod plerique eorum ducti fuerint ex Palæstinensi evangelio Marci, ideoque verba, nonnullorum judicio notha, hic inventa & lecta fuerint secundum Palæstinense evangelium Marci, quod, cum Marci ipius fuerit, sine dubio veram lectionem exhibuerit.

evangelium, h. e. ducta e Palæstinensi evangelio, *Marci*), ut vera lectio sonet, ⁸²⁾ etiam Domini resurrectionem, verbis: *επο-
βυτο γαρ* in illo (Palæstinensi evangelio *Marci*) subjectam, ap-
posuisse. Hæc ipsa vel integra, vel ex parte, modo priore,
modo posteriore, in aliorum atque aliorum codicum scholiis
apud *Wetstenium* leguntur. In eorum numero, qui alteram par-
tem habent, codex 24. S. R. *Griesbachio* teste (Symb. crit. T. I.
p. 101), ab ea formula, quam *Wetstenius* (haud dubie e ceteris qua-
tuor libris ⁸³⁾ expressit, & ab iis verbis, quæ *Viðoris* Catena apud
cel. Matthæi exhibet, longius recedit, librario forsan plurimum,
quæ ad manum habuerat, ⁸⁴⁾ exemplarium scholia commiscente.
Severus denique (apud *Wetstenium*) partim a *Nysseno* partim a
Viðore sua mutuatus est. Habemus igitur, controversam
Marci clausulam inde a seculo quarto a quibusdam, iisque ex
nonnullorum judicio accuratis, libris, imo, si *Viðorem* Antio-
chenum audiamus, a permultis exemplis abuisse. In quam
sententiam *Hieronymus* quoque ad *Hedibiam* (quæst. 3. Opp. T.
III. p. 96) scribit, *Marci* testimonium in *raris* (τις secundum
Viðo-

82) Recte igitur b. *Bengelius* (App. crit. p. 516) negavit, controver-
sum *Marci* locum a *Viðore* agnatum non esse. Item vero etiam
de Anonymo *Tolosano* judicandum fuisse, contra *Millium* (ad Marc.
XVI. 8) *cel. Matthæi* (l. c. p. 268. f.) ostendit.

83) Libri certe Italici & Vindobonenses apud *Birchium*, sique numero
undecim, ad formulam *Wetstenianam* consentiunt, nisi quod pro
verbis *γὰρ ἐπεβύτη*, quæ apud *Wetstenium* & *Matthæi* pariter legun-
tur, *ἐπεβύτη* (cod. 24. *ἐπεβύτη*), & pro *ἐπεβύτη* cum *cel. Matthæi*
& cod. 24. *ἐπεβύτη* exhibent.

84) v. celeberr. *Griesbachium* l. c. p. CLXV.

Victorem) ferri evangelis, omnibus græcis libris *pene* hoc capitulum in fine non habentibus, præsertim cum diversa atque contraria evangelistis ceteris narrare videatur. Sed facile intelligitur, illud *pene omnibus* non nimis urgendum esse, cum & *Hieronymus* ipse l. II. adv. Pelag. (T. II. p. 193) in quibusdam exemplaribus, & *maxime in græcis* codicibus, non modo *ipsum* evangelii Marci, sed austarium quoque versiculi 14, cui vero metuit, ne contradicant Pelagiani, repperit, & magna vis codicum, in quibus Marci testimonium hodie fertur, quosque nemo dixerit ab uno duntaxat & altero libro, sive a *nullo* *pene* omnes manasse, imo versionum quoque omnium, cum ab una Armenica discefferis, quæ capitulum habet quidem in fine, sed seorsum, maxima consensio abunde confirmet, haud profecto nihil librorum græcorum, unde nostri codices græci pluresque versiones, *Hieronymo* juniores, fluxerint, unde forsân Marci clausula etiam in ecclesiæ græcæ lectionaria venerit (cf. Cel. *Matthæi* p. 267. f. & R. *Simonium* Hist. crit. du texte du N. T. p. 121), latitantem in rure Bethlehemitico Hieronymum (T. III. p. 94) effugisse. Illud exploratum est, libros, sive plures, sive pauciores, qui in verba *ἔοβητο γὰρ* (v. 8) deserint, minime accuratos, sed lectionem oppido falsam secutos fuisse. Quis enim sibi persuadeat, Marcum, etiam si Romæ scripsisset ⁸⁵⁾ *Petri-*

85) Auctor subscriptionis codicum, quibus *Victor Antiochenus* usus fuit, iis temporibus, quibus vel Romæ vel Alexandriæ Marcum scripsisse falso putabant (v. Notit. hist. epp. ad Cor. p. 85. f.), antiquior & ætati evangelistæ, qua, librum ipsius in *Palaestina* editum fuisse (cf.

trique vel mors vel captivitas mirabili prorsus infortunio ipsi verborum laudatorum exarationi supervenisset (cf. perill. *Michaelis* Erkl. der Auferst. gesch. Christi p. 183. f. & Zuf. der vierten Ausg. der Einl. in das N. T. p. 225. f.), *ante illud temporis punctum* ex Petro de resurrectione Domini ita nihil audivisse, ut, quia meram *Petri* narrationem exhibere voluerit, nunc vero apostolum consulere non amplius potuerit, & e superioris temporis institutione nihil, quod huc pertineret, habuerit, continuo sermonem abrumpere & evangelii absurdissimum (cf. l. c. p. 225. & Erkl. der Auferst. gesch. p. 180. f.) finem facere cogeretur? Quando igitur Marcus librum suum *ipse conclusit* absolute, eorum omnium codicum, in quibus clausula *desideratur*, nullum profecto testimonium est. Si enim clausula vulgari propterea carerent, quod e libris ducti essent, Marci textum diligentius referentibus: non *nullam*, sed *aliam* clausulam haberent. Proclive igitur judicatu est, brevioris lectionis originem non ab *historicis* testimoniis, quæ mutatura fuissent clausulam, e libris tollere nequaquam poterant, sed a iudiciis repetendam esse, quæ *τινες τῶν ἐργυντῶν*, ut *Euthymii Zigabeni* verbis (apud cel. *Matthæi* p. 268) utamur, ad clausulam Marci apposuerant, quod, ut *Hieronymus* ait, diversa atque contraria evangelistis ceteris, præsertim illi οὐκ οὐκ σαββατων Matth. XXVIII. 1, quod etiam in *quarta & quinta* Hedibæ quæstione solvenda plurimum negotii *Hieronymo* facessit, narrare videatur. Omnes certe veteres scriptores,

(cf. über den Zweck der evl. Gesch. Joh. §. 59. f.), adhuc constabat, proprii fuisse videtur.

res, qui controversum Marci capitulum a ceteris exemplaribus abfuisse tradunt, ut *Nyssen*, *Hieronymus*, *Victor* & *Severus* Antiochenus, de illa Marci (XVI. 9.) discrepantia cum Matthæo mentionem faciunt ejusque tollendæ viam, a *Nyssen* monstratam, proponunt. In promptu esse putamus, criticam *interpretum conjecturam*, per quam nonnulli, ut se liberarent quæstione, *Hieronymo* teste (ad quæst. 4. *Hedibæ* p. 96), voluerunt, in Marco (XVI. 9) non additum esse cognomen *Magdalene*, & ex superfluo scriptorum inolevisse vitio, quod primum evangelista non scripserit, apud alios contra eo valuisse, ut universum locum nota in codicibus ad v. 9. apposita damnarent, hinc vero, quemadmodum in narratione de adultera ⁸⁶, evenisse, ut librarii passim notatum capitulum omnino prætermitterent. Quod eo facilius accidere potuit, ex quo sectiones *Ammoniana*, ab *Eusebio* in decem canones digestæ, venerunt in codices, illarumque numerus juxta cum numero, canonis indice, in evangeliorum margine annotari consuevit. Quamquam enim *Millius* ad Marc. XVI. 8. & *Bengelius* (App. p. 516) controversam pericopen *Eusebii* canonibus inclusam dicunt: plures tamen codices, cel. *Birchio* teste (Prol. p. XXII), non exhibent nisi 233. sectiones Marci, quarum ultima ad v. 8. refertur. Jam alii

86) v. cel. *Matthæi* p. 260. f. Über den Zweck der evl. Gesch. Joh. p. 220. Sed alias quoque varietates e conjecturis τῆς ἐν τῷ στοιχείῳ ματαφύσεως, quæ *Victoris* Antiocheni formula est, consuevisse nasci, perillu. *Michæelis* docet (Einkl. in die Schriften des N. B. p. 295. f. ed. 3. Zuf. p. 83. f.).

quidem libri ad sequentes etiam versiculos apponunt numeros, usque ad numerum 241, versiculò 20. appingi solitum, progredientes; sed, observante *Eirchio* ad Marc. XVI. 8. p. 317. non appingunt hos numeros, nisi juniores codices, atque ut plurimum recentiori caractere. Verum alia quoque falsitatis indicia suppetunt. Nonnulli enim numeri, ut 236. & sequentes, ne reperiuntur quidem in tabulis canonum *Eusebii*, alios vero, qui leguntur in tabula octava & decima, in hos canones non ab ipso *Eusebio* inclusos, sed serius illatos fuisse, res ipsa loquitur. Tametsi enim sectio 235, quæ versiculos. 10. & 11. complectitur, ad tabulam 8 trahi potuisset, quia Lucas XXIV. 10. f. similia narrat, præcedens tamen sectio 234, quæ versiculo 9. absolvitur, non ad decimam tabulam pertinet, quæ singulorum evangelistarum proprias narrationes habet, sed ad aliam, de qua adjungenda *Eusebius* omnino non cogitavit, quia locum hunc, *Marco cum Joanne* (XX. 14—17) communem, rejecit. Deinde *Ammonius* quoque, cujus partitionem *Eusebius* retinuit (v. *Millii* Prol. 739—741), Marcum, ipso *Millio* fatente (Prol. 662), in 233. sectiones, non plures, distribuit. Unde confici quidem non potest, clausulam, Marci controversam ab *Ammonio*, qui versiculum octavum cum sequentibus omnibus sectioni 233. includere potuit (v. *Millii* Prol. 663. 814), similiter fuisse repudiatam; sed *Eusebius* certe, si præter versiculum 8. etiam sequentes ad sectionem 233. retulisset, hujus sectionis non in solo canone secundo propter Matthæi (XXVIII. 8) & Lucæ (XXIV. 8. f.) narrationes, cum octavo Marci versiculo conferen-

ferendas; sed etiam in canone *sexto* propter *versiculos* 15. s. coll. Matth. XXVIII. 18. fs. ⁸⁷⁾ mentionem facere, imo, quod vidimus, *noni* versiculi causa etiam *novum* canonem adjungere debuisset. Vere igitur scholion, quod in tribus codicibus repertum fuisse, supra (p. 51) diximus, *Eusebii* canonem in Marci versiculo 8. subsistere perhibet. Unde mirum foret, ni plures etiam librarii in describendo Marco ibidem substitissent, maxime cum sequentibus verbis passim scholia viderent addita, quibus interpretum dubia de loco, contra Matthæum repugnare viso, exponerentur. Quæ vero causa inventorem canonum, harmoniæ evangelicæ servientium, eundemque singularis etiam scripti *de evangeliorum diaphonia* auctorem, ⁸⁸⁾ ad clausulam Marci damnam ⁸⁹⁾ impulerit, post ea, quæ de veterum ærumna in Marci narratione v. 9. cum verbis: *fero sabbatorum* ⁹⁰⁾ (Matth. XXVIII. 1), concilianda ante diximus, vix poterit ambiguum esse. Cum igitur receptæ clausulæ prætermisso per contextus

ra-

87) Atqui sectionem Matthæi 355, quæ c. XXVIII. 9. incipit, & cum ipso evangelio finitur, in tabula *decima* collocavit, quod nihil ei apud *Marcum* aliosve evangelistas respondere putaret.

88) v. *Hieronymi* Catal. script. eccles. voc. *Eusebius* (T. I. p. 190) & *Ebediesu* in Catol. LL. eccles. c. XI. apud *Assemanum* Bibl. Or. T. III. P. I. p. 18.

89) Etiam in scholio, quod cel. *Matthæi* p. 269, protulit, *Eusebius* diserte ait: *κατα μακρον μετα την ανησιν* (Jesus) *εν λεγοις αβδαι τοις μαθηταις*. Neque igitur comma 14. agnovit.

90) Proprium *Eusebii* in hæc ipsa verba sermonem *Caveus* memorat.

vationem ⁹¹ ne possit quidem probabili testimonio niti, sed per veterum indicia haud obscura causam ejus mera interpretum, in evangelistarum consensu declarando laborantium, conjectura attulerit: nihil relinquitur, quod locum revocet in dubium. Diversa enim clausula, quæ, uno duntaxat & altero codice (apud *Wetstenium*) auctore, præter receptam alicubi item ferebatur, falsitatis tam manifesta est (v. perill. *Michaelis* Erkl. der Auferst. Gesch. p. 137. f.), ut non a Marco profectam, sed ad lacunam, quam sub exitum hujus evangelii seculo jam quarto in pluribus exemplis fuisse vidimus, utcunque explendam (cf. b. *Bengelii* App. p. 516) a nonnemine excogitatam fuisse liqueat. Cur vero authenticam clausulam evangelii, quæ versum 8 excipiebat, omnino intercidiisse putemus, ⁹² nulla causa apparet, quando brevior quidem lectio, e difficultate plenioris enata ⁹³, sed alius lectionis, quæ olim Marci evangelio clausulam imposuerit, nec vestigium ullum aut fragmentum nec tenuissima quidem mentio apud veteres invenitur, tametsi complures, qui receptam clausulam propter difficultatem suam expunxerunt, alius clausulæ vel tenuiculum indicium, si quod vel e Marci codicibus antiquissimis vel e priscorum scriptorum quacunque significatione potuisset erui, cupidissime amplexuri fuissent. Quæ autem hodie

91) Etiam *Griesbachio*, Viro S. R. (Progr. Pentecost. 1790. p. 6. n. 5) omni veri specie carere videtur, Marcum commate octavo verbis *ἐφάπαξ γὰρ* librum finivisse.

92) cf. celeberr. *Griesbachium* l. c. p. 6. f.

93) cf. Ven. *Griesbachii* Præf. in. N. T. Vol. I. p. XIV, extr.

die in codicibus Marci plerisque leguntur, postrema evangelii verba tum a veterrimis interpretibus translata, tum ab *Irenæo* ⁹⁵⁾ (L. III. C. 10. §. 6), probabiliter etiam a *Celsus* ⁹⁶⁾, lecta fuerunt, tum etiam exquisitè apta sunt ad contextum & personam Marci. Etenim verba *πρὸς πρώτην σαββατὴν* v. 9. ad similia v. 2. spectant, Jesumque eodem tempore significat resurrexisse, quò mulieres in itinere fuerint ad sepulcrum (cf. ad Matth. XXVIII. 1. p. 45), consequentia vero, Mariam Magdalenam, de qua v. 9. *separatim* exponi debebat, a comitatu (v. 1. f.), ad quem superiora (v. 5-8) pertinebant, discessisse (cf. v. 4. cum Jo. XX. 1. f. & perill. *Michaelis* l. c. p. 149. fs), produnt, eaque ratione explicant, quid versiculi 8. extrema verba, quæ *seorsum* spectata plurimum obscuritatis haberent (l. c. p. 181), sibi velint. Nempe *inter vias* (cf. l. c. p. 137) ante, quam ad se rediissent &

95) cf. *Grotium* (ad Marc. XVI. init.) & R. *Simonium* l. c. p. 122.

96) Quom Jesu apud *Origenem* (L. II, c. *Celsus* §. 70. T. I. p. 292. 294) exprobrat, quod uni tantum mulerculae (*οὐ μόνῳ γυναικί*) suisque sodalibus clam se vivum ostenderit, vel *Marcum* XVI. 9. 12. 14. vel Joannem XX. 14. 19 fs. respexit. Lucas enim de muliere, cui Jesus ex νεκρῶν αἵματι παρῆλθεν, nullam prorsus mentionem habet, Matthæus vero, quod *Origenes* objicit, de pluribus commemorat (XXVIII. 1. 9). Atqui *Celsus* §. 50. p. 272. mulierem, quæ Jesum ad vitam reversum præter alios viderit, *πρωτὴν* fuisse scribit, quemadmodum ipsi christiani dicant. Quod etiam si *Origenes* (§. 60. p. 274) in ea historia, unde *Celsus* criminationum ansam capere soleat, h. e. (§. 59. p. 272) in evangelio scriptum extare neget, potuit tamen ex verbis Marci (XVI. 9): *αὐτὸς ἐκβεβλήκει τὴν δαίμονα*, sumtum vel arreptum esse, cf. Matth. XI. 18.

& propositum (Matth. XXVIII. 8) peragere (Luc. XXIV. 9. 23.) potuissent, altera Maria & Salome (Marc. XVI. 1) nemini quicquam narrarunt, quamvis una e comitibus, Maria Magdalena, cui, si per terrorem (v. 8) licuisset⁹⁷, certissime de visō exposituræ fuissent, obviam iis fieret (v. 9), cum repeteret sepulcrum (Jo. XX. 11). Id ipsum haud dubie in Joannem quoque & *Petrum* valet, ad quos, ipsis pariter obvios (v. 3. fs), nominatim vero ad alterum, mandata habebant (Marc. XVI. 7), quæ vero, cum se nondum collegissent (v. 8), exequi non poterant. Verum Marcus, ut in hac clausula (cf. etiam Luc. XXIV. 34. & cel. *Michaelis* p. 181. f.), sic alias quoque multa, quæ ad *Petrum* proprie pertinebant, nisi forte Petri *modestia*⁹⁸ obstitit (Marc. VIII.

97) Ut Maria Magdalena, cum lapidem amotum videret (Marc. XVI. 1. 4. Jo. XX. 1), non cogitavit de sepulcro intrando (v. 2), ita nec ceteræ mulieres statim ingressæ, sed de communi (cf. *oedipus* v. 2. & cel. *Michaelis* p. 152. fs) solitudine sua, quam ista cum Petro & Joanne communicandam putavit, aliquamdiu inter se collocutæ fuissent videntur, dum tandem, ut fieri solet, incidissent in cogitationem ineundi sepulcri (Marc. XVI. 5). Quo pacto Maria ad sepulcrum revertisse potest, cum altera Maria & Salome prope a sepulcro abessent earumque *ingressus* (v. 8) recens admodum esset. Atque ita fieri etiam potuit, ut illa Jesum prope sepulcrum (Jo. XX. 11. fs) prius (Marc. XVI. 9) conspiceret, quam ceteræ absolvissent reditionem domum (Matth. XXVIII. 8—10).

98) Eidem hoc quoque tribuendum videtur, quod Petri discipulus, cum III. 14. f. dixisset, Jesum *constituisse* duodecim, qui cum ipso essent & mitterentur ab eo ad docendum cum facultate morbis medendi & daemonia ejiciendi, v. 16, non pergit, quemadmodum structura v. 17—19. flagitabat, cum *seculativo* *duodecim* v. 14. *duodecim* *ibo*.

VIII. 32. f. XIV. 29. fs. 37. 66. fs. XVI. 7. cf. celeb. *Michaelis* p. 126. f.), silentio transire solet (VIII. 29. coll. Matth. XVI. 17. fs. Marc. XI. 1. coll. Luc. XXII. 8. add. V. 3. fs). Ceterum ea resurrectionis Christi documenta legit (Marc. XVI. 9—11. & v. 12. f. coll. Jo. XX. 11—18. & Luc. XXIV. 13. fs. 99), quorum certe propter conjunctionem aliquam cum privatis ipsius rebus (Jo. XX. 2—11. 18. Luc. XXIV. 34) in primis meminisset *Petrus*, iisque addit conjunctam (Luc. XXIV. 36) ejusdem diei (πρωτης σαββατου, qua Dominus resurrexerat Marc. XVI. 9) historiam, cuius descriptio (v. 14), quamvis brevissima, ad reliquam tamen Marci (cf. VIII. 17. fs. VI. 52. 6. cum ωνειδισαι την απιστιαν) seu Petri (cf. Act. X. 41. cum ανακριμεινους & Luc. XXIV. 41—43.) consuetudinem accurate consentit. Nec abhorret a sensu Petri vel discipulorum (cf. λαληται Marc. XVI. 19) vel factorum delectus, quæ in extremo libro e reliqua Christi historia reperimus delibata (v. 15. f. coll. Act. X. 42. f. II. 38. IV. 11. f. 1 Petr. II. 6—8. I. 5. & Marc. XVI. 17. coll.

illorum nomina per appositionem jungens: σιμων, και προσθηκει αυτω (cf. v. 17) ονομα πετρον, και ιακωβον &c. sed Petrum, qui ceteris omnibus præponi debebat, quod *primus* (Matth. X. 2) a Domino constitutus esset, velut extra numerum appellat his verbis: „& imposuerat (cf. Jo 1. 43. & über den Zweck Joh. p. 240) Simoni nomen Petri,” deinde vero subiicit: „& (præterea, præter magistrum auctoris, constituit) Jacobum „ Marcum vero scripsisse, ut *επιτιμησεν* αυτω, *historica* argumentatione efficitur l. c. §. 56. quæ autem rationibus ex ipso libro asserendis *confirmatur* omnino. v. etiam l. c. p. 271. f. Ven. *Hefsi* Gesch. und Schriften des Apostel T. II. p. 255. fs. perill. *Michaelis* Einl. in die Schriften des N. B. p. 915. 99) v. laudatum *Michaelis* (Erkl. der Äußerst. Gesch. p. 217. f. 244. fs).

coll. Aët. II. 4-14. X. 46. fs. & Marc. XVI. 19. f. coll. Aët. II. 33-36. 1 Petr. III. 22. Aët. IV. 29-31. V. 42. VIII. 14-25. IX. 32). Cum igitur genuina sint postrema Marci commata; mirari omnino fas esset ¹⁰⁰, quid sit; quod Marcus, qui XVI. 7. & XIV. 28. mentionem fecerat promissi, discipulos in Galilæa visuros esse Dominum, prorsus sileat de itinere in Galilæam, *siquidem* ¹⁰¹ ob oculos habuisset *Matthæum*, apud quem (XXVIII. 16) *legisset relatum*, discipulos, uti promissum fuerat, Christum in Galilæa vidisse. Jam *Griesbachius*, Vir S. V, luculente quidem (Progr. 1789. p. 7. fs) probavit, Marcum ita consentire Matthæo & Lucæ, ut, *nisi alius evangelista lectus fuisset ab alio*, prodigio simile esset, Marcum in deligendo ex immensa materia libelli argumento nonnisi eadem tractanda sibi sumsisse, quæ Matthæus etiam aut Lucas tractaverint (l. c. p. 12. f.), imo eandem rem eodem sæpe modo (l. c. p. 16. 5, not. 11) & loco & ordine, etiam ubi maxime fortuitus est ac arbitrarius (cf. Marc. VI. 17. fs. cum Matth. XIV. 3. fs), retulisse (l. c. p. 11. f.). Hinc vero nondum cogi posse videtur,

Mar:

100) Celeberrimi Viri, *Griesbachius* (in Progr. pentecost. 1789. p. 11. Progr. 1790. p. 6) & *Michaelis* (l. c. p. 183), hæcenus consentiunt, ut inferius hoc concedendum esse agnoscant, cum concesseris superius. Ceterum dubitant de eo, quod primum in connexo est.

101) Sin secus, mirum videri non debet silentium Marci, cum alias quoque eventa, per occasionem aliquam paucis indicata, præteriri videamus non a Joanne tantum (v. über den Zweck Joh. §. 52. maxime p. 243. f.), sed a Luca quoque. v. XXIV. 2. (cf. perill. *Michaelis* l. c. p. 50). v. 24. 34. Aët. I. 18. f. coll. Luc. XXII. f. itemque Aët. XVI. 10. coll. *Michaelis* Einl. p. 923. f.

Marci evangelium totum e Matthæi & Lucæ commentariis de-
cerptum esse, sed consensionis ratio non minus intelligitur ¹⁰²⁾;
si contra evenierit, Lucasve & Matthæus ¹⁰³⁾ *inter scribendum*
pariter ob oculos habuerint Marcum, itaque in suum quisque li-
brium quovis loco derivare potuerit e Marco, quicquid visum
fuerit. Licebit igitur, quod veritati & sinceritati clausulæ Marci
consequens est, sine dubio sumere, Marcum nempe nec locum
de Christo a discipulis in Galilæa viso nec Matthæi librum uni-
verse, quippe serius exaratum, vidisse. Immo causâ ra-
tioque, cur Matthæus & Lucas tam multa narraverint, quæ
apud Marcum non leguntur, multo facilius perspicitur, si Mar-
cus prior scripserit, quam si Matthæus & Lucas scribenti
ad manum fuerint. Posteriores enim auctores, nē actum age-
rent, superioris scriptoris non verba solum & orationem hic
illic variare ¹⁰⁴⁾ *; sed ipsas quoque res narratas augere* ¹⁰⁵⁾ *&* ¹⁰⁶⁾ *amplificare debuerunt, passim quoque, ut novis additamentis*
locum

102) v. über den Zweck Joh., p. 274. 293.

103) Matthæum aliquid e *Lucas* libro in suum transtulisse (v. celeberr. *Griesbachii* Progr. prius p. 4), in Notit. hist. epp. ad Cor. interpr. fervientibus p. 84. disertissime negavimus.

104) cf. Progr. modo laudatum p. 5. n. 12.

105) Exempla vide l. c. p. 4. n. 5. 6. & über den Zweck Joh. p. 274. f. 288. f.

106) Exemplo sit Matthæus XIX. 23. XX. 1—16. XXIV. 30. init. coll. Marc. X. 29—31. XIII. 26. (Progr. cit. p. 16) Matth. XVII. 24. ss. coll. Marc. IX. 33. cf. quoque Matth. IV. 2—10. Luc. IV. 2—12. cum Marc. I. 12. 13.

locum facerent, circumcidere ¹⁰⁷⁾ & contrahere ¹⁰⁸⁾ potuerunt, maxime cum narrationes omissarum similes de suo addidissent ¹⁰⁹⁾. Nihil contra fuisse videtur, quod Marcus novum conficeret rerum Christi commentarium, si, præter tenue corollarium viginti circiter & quatuor commatum, Matthæi duntaxat Lucæque libros compilasset ¹¹⁰⁾. Neque etiam, si Marcus Lucam & Matthæum ante oculos positum habuisset, mirari non possemus, cur idem ille scriptor, qui non modo res a Christo gestas, sed complures quoque sermones ¹¹¹⁾ (v. c. VIII. 34. — IX.

107) Velut historia Marc. VIII. 22—26. (Progr. cit. p. 14. f.), quæ auditoris magistrum, quippe cujus patriam (Jo. I. 45) spectaret, singulariter affecerat, nec a Matthæo nec a Luca repetita fuit. cf. über den Zweck Joh. p. 306. 275. Adde p. 204. 277. f. 297.

108) Velut Matthæus, qui locum Marci III. 4. amplificaverat parabola XII. 11. referenda, mox v. 15 f. longiora Marci verba III. 7—12. ad compendium contulit (cf. Progr. cit. p. 13. f.). Similiter Lucas IX. 25. omittit servatum a Matthæo (XVI. 26) versiculum Marci (VIII. 37. cf. Progr. cit. p. 16). Adde l. c. p. 5. n. 10 13. 14. & quæ p. 13. subjiciuntur, itemque librum über den Zweck Joh. p. 293. 275.

109) Vide l. c. p. 293—296. 305. 275. fs. Eadem de causa (cf. Matth. X. 32. f. XI. 10.) Matthæus XVI. 27. II. 3. præterit Marci (VIII. 38. I. 2.) verba (cf. Progr. cit. p. 16. 13). De sermonibus Christi Marc. IV. 26—29. XIII. 33—36. coll. Matth. XIII. 24—30. 36—43. XXIV. 36—XXV. 46. hanc ipsam rationem etiam sæpe laudatum Programma p. 9. f. 13. attulit, nisi quod Auctor eruditissimus a Marco prætermissa censet, quæ nos contra putamus a Matthæo demum addita fuisse Marco, & vicissim a Marco substituta arbitratur, quæ nobis silentio præterisse videtur Matthæus, quamvis in Marco reperta, cf. quoque Progr. cit. p. 7. i).

110) l. c. p. 6. 12. f.

111) cf. l. c. p. 4. n. 6. p. 10. 22).

IX. 1. 39. fs. X. 23. fs. XII. 1. fs), etiam longiores ¹¹²⁾ (v. c. c. IV. XIII), etiam proxime pertinentes ad Palæstinenſes Chriſti auditores ¹¹³⁾ (v. c. II. 16—28. III. 22—30. VIII. 11. 12. ¹¹⁴⁾ VI. 1—6. ¹¹⁵⁾ 8—11. VII. 1—23. XII. 38—40), re vera exhibet, ab iis proprie dictis Chriſti, quæ Matth. V—VII. leguntur, ita reſugerit, ut iis veluti fatigatus ¹¹⁶⁾ non ſeponeret tantum Matthæi librum, ſed Lucam quoque, ad quem novum ducem tranſiſſet, ut primum in ſimilia dicta (Luc. VI. 20. fs), ſed breviora ¹¹⁷⁾, & ab ipſo Luca non Palæſtinenſibus, verum exteris tradita ¹¹⁸⁾, incidiffet, pariter deſereret & ad Matthæum ſe reciperet ¹¹⁹⁾, imo vel pauculos verſiculos Matth. XII. 33—37. hac una de cauſſa, quod ſententias his ſimiles in oratione montana legiſſet, a ſuo libro rejiceret ¹²⁰⁾. Extremo, ſi Marcus

pri-

112) cf. l. c. p. 7. g). p. 10. Progr. 1790. p. 6. n. 4.

113) cf. Progr. 1789. p. 7. g). p. 4. 5. n. 7. 8. p. 8. o).

114) v. ipſum Progr. modo laudatum p. 8. o).

115) l. c. p. 7. h).

116) cf. l. c. p. 9. r). u).

117) Cum Marcus alias, brevitati ſerviturus, longiores orationes non prætereat omnino, ſed contrahat & deminuat (v. c. IX. 42. fs. coll. Matth. XVIII. 6. fs. Marc. X. 28—31. coll. Matth. XIX. 27—XX. 16. Marc. XII. 38—40. coll. Matth. XXIII. Marc. XIII. coll. Matth. XXIV. f. Marc. VI. 8—11. coll. Matth. X. 5. fs): quidni etiam Lucæ narrationem, per ſe breviorẽ ſimili apud Matthæum ſermone, contractam certe poterat exhibere?

118) v. über den Zweck Joh. p. 238.

119) v. Progr. cit. p. 7. f. not. g). l). m). & Progr. 1790. p. 9. not. 222

120) Progr. 1789. p. 8. n).

primus scripserit, tum ea, quæ literis mandavit, vere, ut historia prodidit, familiari in ipsius ædibus (Aët. XII. 12. fs) *Petro, accepta referre potuit*, tum vero Matthæum quoque & Lucam, a quibus nempe lectus & adhibitus fuit, ita consentientes habere potest, ut, quamvis multa suo quisque modo, hoc est, aliter quam Marcus, narrarent & exprimerent, maxime vero, quod in immensa illa παραληπομινων copia expectare licebat ¹²¹⁾, nova complurima, alius alia, de suo adderent, creberrime tamen easdem ipsas res, quas literis consignaverat Marcus, ipsi quoque, nec raro iisdem fere verbis usi, memoriæ prodidisse intelligantur. Sin autem Marci liber *duobus reliquis posterior* numeretur, prodigio simile omnino foret. Marcum ejusve ducem, si versus excipias circiter 24, ex amplissima scribendi materia nihil aliud delegisse, quam quod Lucas & Matthæus prævertissent. Pleraque igitur omnia mutuatus fuerit oportet a Matthæo & Luca ¹²²⁾. Sic vero ¹²³⁾ Marci απομνημονευματα *Matthæo citius & Luca, quam Petro*, assignari debebant. Neque enim scripsit ως πετρος υφηγησατο αυτω, sed Matthæum potius & Lucam duces habuit. Nobis vero certam & indubiam videri antiquam de *Petro* narrationem, supra (not. 98. p. 61) professi sumus

121) l. c. p. 12. f.

122) l. c. p. 4. 6. 12. f.

123) Si Marcus Luca dace usus fuisset, quoties de Matthæi libro decessit, contraque Matthæo fere omnia deberet, quæ non sumisset a Luca (l. c. p. 4. 6. fs): materiæ, quam Petrus suppeditalle queat, multo etiam minus relinqueretur, quam si Matthæum duntaxat vel Lucam solum habuisset ducem, cf. über den Zweck Joh. p. 288. f. 274.

sumus, & opinionis nostræ tanta minus nos pœnitet, quod ab ipso etiam eruditissimo *Griesbachio* (in Progr. Pentecost. 1790) historica, quibus nitimur (not. 98), argumenta non labefieri, sed intacta relinqui, & vetustam narrationem non alia de causa (l. c. p. 12. 13. n. III. p. 5. n. 3) rejici videmus, quam quod hypothesis repugnet, e sola libri Marci comparatione cum Matthæo & Luca, sed, quantum nos judicare possumus (cf. supra p. 63. f.), nulla necessitate & evidentiâ ductæ.

LUC. II. 32.

Quibus tenebræ obductæ sunt, ea *reteguntur*, dum collustrantur a lumine. Quum igitur Jesus dicitur esse lumen ad *retegendos* (cf. ἀνακαλυφθῆναι Ef. XLIX. 9) ethnicos, jacentes in tenebris (cf. Act. XXVI. 18. Rom. I. 21. Eph. IV. 18. V. 8. 11); *consequente*posito, *antecedens* significatur, quod nimirum Jesus eos luce sua *illustraturus* sit. Neque propterea conjecturam criticam probamus, allatam a *Jo. Pricæo*, quamvis alii interpretationi (ex 2 Cor. III. 14—16) serviente. Nam *retegendi* vis in verbo recepto ἀποκαλύπτειν non minus inest, quam in conjugato ἀνακαλύπτειν. v. Susann. 32. 2 Sam. XXII. 16. coll. Pl. XVIII. 16. Deut. XXVII. 20. coll. XXII. 30. Add. Job. XII. 22: ubi occulta tenebris in cod. Alex. ἀποκαλύπτεσθαι, in Vatic. ἀνακαλύπτεισθαι, h. e. *retegi*, dicuntur, & proferri in lucem (ἐξαγαγεῖσθαι εἰς φῶς). Ipsum nomen ἀποκαλύπτειν Rom. VIII. 19: in eam partem accipitur, ut filii Dei, quorum gloriosa beatitudo (v. 18. 21) ex conspectu abdita fuerit (v. 24. Col. III. 3), *retegendi*

legendi atque in ea luce collocandi esse dicantur, quæ, quanti sint pretii quantæque dignitatis, non finat porro dubitare.

III. 16. Voculam *πυρ* non audemus ad *poenas* divinas cum perill. *Michaelis* ad Matth. III. 11. aliisque interpretibus trahere. Quinquam enim *βασίλισμα* de *calamitate* dicitur (Luc. XII. 50. Matth. XX. 22. f.), nulla tamen ratione probari potest, locis prolati baptismum *ignis* respici, sed hebraica loquendi consuetudo (cf. *Goezium* ad v. 22) persuadet potius, mala subeunda comparari cum *undis*, quibus aliquis mergatur. Nec necesse est, ut Joannes Luc. III. 17. imaginem *ignis*, v. 16. extremo usurpári coeptam, dicatur *persequi*. Nam baptista nuncium (v. 18) de Christi, proxime prodituri, excellentia super ipsum (v. 15. f.) duabus his rationibus confirmavit, quod successor Christus non aqua duntaxat, quemadmodum ipse, sed Spiritu etiam sancto baptizaturus sit (v. 16). quodque non solum promulgaturus sit *μετανοίας*, sicut ipse (v. 16. init. coll. v. 3. 7. 8. Act. XIII. 24), sed iudex quoque futurus sit (Luc. III. 17) eorum, qui præconio *μετανοίας* (Matth. IV. 17) vel morigeros vel asperos se præbitori sint; harum vero rationum altera (Luc. III. 17) sic expressa est, ut imago adhibita ad *ignis* cogitationem *per se ipsa* deduxisset, (cf. Matth. XIII. 30), etiamsi Luc. III. 16. non magis haberetur mentio de igne, quam versiculis, *nomo* superioribus, de eo facta fuerat mentio. Nobis igitur baptista v. 16. cum Spiritu sancti nomine videtur conjunxisse nomen *externæ speciei* (*εὐμυστην ὕδωρ* v. 22), quam ipsi innotuisse putamus ex eodem oracu-

oraculo divino, unde speciem divini Spiritus se *visurum* esse præscisset eaque ipsa *nota* Christum dignoscere didicisset (Joh. I. 33). Et probabile omnino videtur, apostolis, quo facilius prehenderent, ad continuandam magistri doctrinam se *eodem*, atque ipsum (cf. Luc. IV. 14. Act. X. 38), Spiritu instructos esse, *similem* quoque, ac *Domino*, visam fuisse *speciem*, cum Joannis prædictum (Luc. III. 16) eveniret (Act. I. 5). Atqui species, quæ II. 3. visæ fuerunt & quarum singulæ confederunt ¹²⁴⁾ super singulos *apostolorum*, fuerunt *ignæ*. Neque igitur incredibile fuerit, conspicuam notam, qua *Christum* baptista discernere debuerit, fuisse *ignem* (Luc. III. 16), perneciter (*ὡςτις περιεπαύ* v. 22. ¹²⁵⁾ de coelo delatum, sed, quo diligentius ac certius cognosci posset a Joanne, commoratum aliquamdiu super Jesu (Jo. I. 32. f.).

VI. 30. f. *Prima* enunciatio jubet *omnibus* petentibus dare, *non amicis modo, sed inimicis quoque* (v. 27. f. 32. f. 35). *Alter*a (v. 30) potissimum respicere videtur *creditores*, quibus debitor, nisi reddat mutuo sumpta, aufert ac eripit sua. Neque enim Matthæus solum V. 42. cum priore sententia copulat locum de *mutuo*, sed apud Lucam ipsum mox versiculo 34, qui, cum præcedentes

32.

124) *Singularis inanes*, spectans ad *pluralem γλωσσαι*, *distributionis* index est. cf. Notit. hist. epp. ad Cor. not. 153. p. 78. & Ven. *Schmurrer* Dissert. philologico-crit. p. 267.

125) cf. *Bechari Hierozoic*, P. II. p. 13. fs.

32. & 33. serviissent *primæ* enunciat-ioni (v. 30) explicandæ ¹²⁶⁾, omnino ad *alteram* (v. 30) sententiam illustrandam pertinet, hoc proprie ostenditur, nullam iis a Deo gratiam referri (cf. *Elmerum*, *Krebsium* & celeb. *Loesnerum* ad v. 32), nec præclarum aut singulare aliquid præstare eos, qui *mutuum* dent iis tantum ¹²⁷⁾, unde summam creditam se recepturos esse confidant. Deinde v. 35. ubi eorum (v. 30), quæ adhuc (v. 32—34) latius exposita fuerant, summa repetitur, tum de bonitate erga inimicos sermo est, tum de liberalitate, iis etiam *credente*, a quibus rem tuam

126) Virtus, v. 27. f. commendata, cernitur duabus rebus, *primum* injuriæ alienæ patientia tuæque fuga ea, ut & novam citius injuriam accipias, quam ut tibi impositam injuria vicissim facienda rependas, & duritiem alterius eo animo feras, qui, si mitigare adversarium nequeas, nisi cedas de beneficio juris, vel summi juris usum, quem legum æquitate munitus defendere poteras, malis pati, quam summo rigori juris, invito altero, non satisfacere (cf. ad Matth. V. 40); *deinde* ipsa adeo beneficentia erga hostem. *Præ* illud tractatur Luc. VI. 29. *Polemius* v. 30. proponitur, sed ita, ut per occasionem beneficentiæ, ab amore *hostium* manantis (cf. v. 35), de liberalitate *in universum* præcipiatur, quæ non solo *donationis* nomine, sed etiam *mutui* titulo donat. Jam hæc duo, quæ v. 30. proponuntur & quorum peroratio v. 35. legitur, quod nimirum *omnes*, nec hostibus exceptis, donandi sint, quodque etiam *multa* condonanda sint, v. 32. f. & 34. tractantur.

127) Vocula *mutui* ad verbum *δανίζετε* v. 34. non minus intelligenda est, quam ad *πυρρῶς* & *πυρρῶς* v. 32. f. cf. Matth. V. 46. cum v. 47. & Ebr. VII. 8. f). Neque enim Christus vetat mutuum dari, quod confidas te recepturum esse (cf. b. *Bengelium* ad *δανίζετε* Luc. VI. 34); sed nulla hoc actu singularis virtus cernitur, neque, si nihil ultra præstes, illius *δανισμοῦ* documenta das, quæ requiritur in divino regno (cf. v. 32—34. extr. Matth. V. 46. f. VI. 7. 32. cum V. 30. VII. 13. f.).

tuam desperes te recuperaturum esse (cf. *Krebsium & Loesnerum*). *Tertia* denique sententia (v. 31) regulam ponit, ad quam praecepta superiora (v. 30), si usus veniat, exigenda sint. Quoties tu, si petentis aut mutuati loco esses, rebus hinc implorati & creditoris, hinc petentis ac debitoris, ex æquo perpenſis, vel petiti vel debiti condonationem expectare posses: toties petitioni non negare & debitum non repetere debes.

IX. 60. Uti vox *vixov* interdum *præterito* tempore intelligenda est (Comm. in ep. ad Ebr. p. 518); ita potest etiam *ſuturi* temporis esse (Obſſ. p. 133. f.) eumque dicere, qui mortuus *erit*, *moriturum* (l. c. p. 135 f.), *mortalem*. Veluti *σάμα vixov* est corpus *mortale* apud Paullum (Rom. VIII. 10. cf. Diſſ. de beata vita poſt mortem not. 34) & *Philonem* (L. II. leg. alleg. p. 74). Cauſſa vero, quamobrem Dominus eos, qui ſepelire poſſint diſcipuli *parentem*, hoc potius quam alio nomine appellaverit, in diſjuncto ſita eſt, quod intelligendo adjungi debet. Sepelire mortuos *mortalium* eſt, qui mox ipſi ſepelientur, ſed regnum divinum, h. e. (Jo. VIII. 51. XI. 26. VI. 47—51, 58) *mortis exilium*, prædicare multo optabilius officium eſt. Similiter Matth. VIII. 22. verbis Chriſti hæc viſ ſubjecta videtur: „*mortalium* illud negotium, ſunus mortuo faciendi & exequias ſunris proſequendi, aliis facile permittere poteris, ſi proſequi liceat eum, qui, quamvis inter mortales poſſeſſionem non habeat (v. 20), *tanto majorem inter immortales locum obtinet*, ſuiſque auctor eſt cum reſurrectionis, dum corpus, quod mortales ſepeliverunt, nova, eadem-

eademque meliore, vita donabit, tum perennis omnino vitæ (Jo. XI. 25. f.), quam ipsa mors interpellare non possit, sed perficiat atque amplificet (Rom. VIII. 10.).

XI. 47. f. Cum legis peritis *propterea* minetur Jesus (v. 47), quod *sepulcra prophetarum struant*, hincque cogatur (cf. *ἀπὸ* v. 48), laudari (cf. Joh. III. 26. Ebr. XI. 2. γ.) & *Κυρke* in Luc. IV. 2.) ab istis & approbari facta majorum, hos enim occidisse prophetas, ipsos vero *sepulcra eorum struere*: illud *οικοδομῶν τα μνημεῖα τῶν προφητῶν* in vitio fuerit oportet. Neque igitur hoc proprie agitur; ut legis periti sepulcra *veterum* prophetarum exstruxisse (cf. Matth. XXIII. 29. cum 1 Macc. XIII. 27-30) *variumque* iis honorem habuisse (cf. *Κυρke* in Matth. l. c.) dicantur, In quo nec materia pœnæ nec priscarum cædium approbatio fuit; sed *æquales* prophetæ intelligendi videntur, quibus legis periti insidias struxerunt necemque machinati sunt (Luc. XI. 49), itaque majorum in veteres prophetas maleficia similibus sceleribus faciendis probarunt (v. 48) pœnamque gravissimam meruerunt (v. 47. 50. f.). Neque miramur, quod pronomen *αὐτὲς* v. 47. paullo aliter (cf. Ebr. VI. 19. α) accipiendum sit, quam nomen *τῶν προφητῶν*, & *iidem utroque* prophetæ nec Luc. XI. 47. nec v. 48. intelligi possint. Similiter 1 Tim. II. nomen *τῆς γυναίκος* v. 14. *Evam*, sed relativum pronomen, quod in verbo *σῳθῆναι* v. 15. latet, *aliorum temporum* æquales mulieres significat. Prophetarum vero sepulcra strui aut parari dicuntur item, ut Job. XVII. 1. *sepulcrum ei esse* legimus, cui

mors

mors imminet. Neque tamen Dominus hac proprie formula dicendi usus fuisse videtur, nisi ambiguae locutionis notiori significatui alludere simul voluisset, & hoc dixisset: „vos quidem majoribus meliores vobis videmini (Matth. XXIII. 30): quod *sepulcris exstruendis ac ornandis* prophetæ a vobis honorantur, isti contra prophetas interfecerint. Sed vae vobis hoc ipso nomine (v. 29. Luc. XI. 47). Nam *simulate* (Matth. XXIII. 29) agitis, quod laudi vobis ducitur, atque prophetarum, a majoribus interentorum, *sepulcra sic* (Luc. XI. 48. ἀγα) *exstruitis* (v. 47), ut majorum facinora probetis, quique veterum prophetarum sepulcra exstruitis, iidem vobis æqualium prophetarum *sepulcra instruat* atque paretis. Nam hoc unum inter majores vestros & vos ipsos interest, ut illi prophetas interfecerint, vos vero, quamvis antiquiorum prophetarum *sepulcra exstruat*, æqualium vestrorum *sepulcra præparetis*, mortemque, quam majores vestri intulerunt & patrarunt, prophetis moliamini & intendentis (v. 48). Similiter Matth. XXIII. 31. vocis *ὡς* duplex vis respicitur, nec *poster* tantum, sed *moribus* quodque *similes* (cf. Jo. VIII. 39) majorum intelliguntur: „itaque fatemini, quod progenies sitis eorum, qui prophetas occiderint, h. e. quod sitis *prognati* (cf. Matth. XXIII. 30) ex talibus majoribus, imo vero homicidarum, prophetis exitiosorum (v. 31), *familia* (γεννηματα ἐχιδνῶν), prophetis non minus *pestifera* (ὄφις v. 33), sed *incepta a majoribus* usque ad extremum *exequens* (v. 32). Ceterum alia quoque *ambiguitatis* verborum arreptæ exempla dedimus in Diff. de sensu vocis *διανοε* p. 40. f.

XVII. 4. Fieri omnino posse, ut, quem peccati *verè* poenituerit (v. 3), *eodem die pluries* (ἄρακις τῆς ἡμέρας, cf. Pl. CXIX. 164) in eadem aliave re, præcepti affectu latus, in alterum peccet, sequo continuo ipse revocet, haud ita incredibile videbitur (cf. perill. *Michaelis* ad v. 4. p. 465. & Zuf. der vierten Ausg. von der Einl. in das N. T. p. 241. f.), si peccanti cum altero *necessitudinem* aliquam ex eaque commercium *assiduum* esse ponamus. Atqui Christo *conjugalis necessitas* familiaritasque potissimum ob oculos versata, fuisse videtur (v. über den Zweck Joh. p. 341—343), quæ ipsa non tam crebro ac temerario divortio (Luc. XVI. 18) inter Judæos fuisset dissoluta, si modo in offensionis & offensiunculæ tanta materia & frequentia una pars ad resipiscendum, altera ad condonandum paratior promptiorque fuisset. Quæ Supplementorum citatorum loco indicato ¹²⁸⁾ pariter cum verbis τῆς ἡμέρας in suspensionem vocatur,

XIX. 13. extans, vocula *μῶς*, non minori jure defendi potest. Neque enim *tota gaza* ¹²⁹⁾ ad decem minas rediisse dicitur, sed ea tantum summa, quæ his proprie ministris concredita fuit. Ipse celeberrimus *Michaelis*, qui vocem masculinam מָנָה (מָנָה) pro feminina מְנָה (מְנָה) arreptam putat ideoque

128) Vide etiam perill. Viri Anm. für Ungelehrte zu seiner Uebers. des N. T. P. I. p. 475. f.

129) cf. Zuf. p. 242. Anm. p. 475.

que decem *portiones* ¹³⁰⁾, non decem *minas* intelligi vult, salva interpolatione sua, poterat concedere, decem ministrorum fidei *partem* duntaxat gazæ commissam fuisse. Nam *portiones decem* non necessario sunt *regiæ pecunia*, in *decem partes distributa* (Ann. p. 476), sed facilius etiam intelligi possunt *decem portiones regiæ pecuniæ* (zehn Theile seines Vermögens. Züsæze p. 242). Quid vero obstat, quo minus hæc *particula* regiæ pecuniæ, decem ministris dispartita, *decem tantum minas* confecisse possit, haud perspicimus. Qui fingitur, rex (v. 12. 14. 27) neque *omnia*, quæ habebat in nummis, fenore (v. 13. 15. 23) putandus est occupasse, neque totam, quæ mensariis locanda erat, summam *parti* ¹³¹⁾ ministrorum, & ei quidem parti, cuius fidem *experiri* demum volebat (v. 15), tradidisse. Qui fidem probaturi erant, iis *plura posthac crediturus erat* (v. 26). Velut ei, cujus fides (v. 17) spectatissima fuerat, tum decem minæ, quas acquisiverat ad singularem (v. 16), ipsi pariter ac ceteris initio creditam (v. 13), &, reduce domino, solis infidelibus ereptam (v. 24. 26), administrandæ relinquebantur (v. 25),

tum

130) Quam parum hæc suspicio conveniat in parabolam, a Domino narratam, e versiculis 16. 18. 20. intelligitur, quibus profecto non apta est formula: *portio tua*. Quod si enim *portio* appellari debuit, dicendum erat: vel *tuæ pecuniæ* vel *mea* portio. Unde etiam Vir celeb. in versione germanica *fortis*, pecuniæve, senori datæ, notionem supposuit, quæ verbo חֵצֵק subjecta non est.

131) Decem istos v. 13. non fuisse nisi *partem* (cf. v. 15) ministrorum, nec celeb. *Michaelis* infitatur. Vertit enim v. 13. „zehn von seinen Knechten.“

tum vacantis (v. 20. 23) minæ (v. 24) & decem civitatum (v. 17) cura insuper demandabatur.

XIX. 26. Verba hæc *regis* esse, quem parabola inducit, non *Christi*, e versu 27. coll. 14. intelligitur. Itaque formula: *ο ευγενης*, post voculam *υμιν* (v. 26) similiter omissa est (cf. Philem. 19. not. 165. p. 54), ac Luc. VII. 41. initio desunt verba: *ο δε (ιησους) επει*, quæ, etiamsi non profecta fuerint a Luca, sensus tamen ratione habita, exprimi &, veterum interpretum exemplo, suppleri possunt.

XXI. 25. *Συτοχη εθνων εν απορια ηχησης* (seu *ηχης*) *θαλασσης και σαλς* videtur esse afflictatio (cf. XII. 50. & *Raphelium* ex Herodot. in Matth. IV. 24) gentium, conjuncta cum (cf. *εν* Eph. VI. 2. V. 26. Diff. de sensu vocis *δικαιος* not. 22) inopia consilij (v. *Raphelium* ex Herodot. in l. n.), qualis est inopia consilij propter ¹³²⁾ sonans mare & (sonantes) fluctus ¹³³⁾, aut, si alteram lectionem sequi malis, propter strepitum maris & fluctuum ¹³⁴⁾, h. e. animi gentium perturbati erunt, quemadmodum, tempestate coorta, navigantes laborare solent inopia consilij.

132) cf. genitivos *αυτα* Matth. XXVIII. 4. XIII. 44. Obs. p. 278.

133) Mare ejusque fluctus conjunguntur etiam Ps. LXV. 8. cf. *Κυρρε* in l. n. p. 319. Genus autem participij *ηχων* sequitur nomen *προριου*. cf. Ebr. VIII. 2. m). Eph. V. 19. Col. III. 16.

134) *Σαλας*, quemadmodum *θαλασσης* & Ps. LXV. 8. *κυματων*, ex voce *ηχας*, de qua Bengelii App. crit. p. 546. consulendus est, pendere potest. Sed licet etiam vertere: propter strepitum maris & commotionem, cf. de voce *σαλα* Wetstenium & cel. *Lasturum*.

fili. Quod autem *perturbatio propter strepitum maris* significare possit perturbationem, *similem ejus, quæ existit* propter maris tumultum; vel ex Matth. XII. 39. Luc. XI. 29. intelligitur, ubi *miraculum Jonæ* non est miraculum, quod Jonas (v. 30) fuisset, sive quod in Jona editum fuisset, sed miraculum, quod debebat in Jesu extare (v. 30), at *simile* futurum erat edito in Jona (Matth. XII. 40). cf. Ebr. XI. 26. c). & *Vatablum* in l. n.

XXIII. 32. *Bengelii & Kypkii* structura, quæ post vocem *ετις* comma ponit, simili loco X. 1. firmatur, ubi pariter vertendum est: „elegit (cf. *Kypke*) Dominus etiam *alios*, nempe *septuaginta*.” Neque enim ceteri homines, quos Dominus item, ut hos LXX. (cf. *καὶ* ante *ετις*), elegerat (VI. 13) & miserat (IX. 1. fs.), *septuaginta* numero, sed *duodecim* erant. Similiter nostro loco maleficis hominibus nequaquam adnumeratur Jesus, sed perinde, ut ipse, etiam *alii*, nempe *duo malefici*, educti fuisse perhibentur, at cum eo tollerentur de medio.

XXIV. 1—12. Cum mulieres magno numero (v. 1. coll. XXIII. 55. f. & XXIV. 10) ad sepulcrum profectæ essent (αὐτὰς v. 1. cf. p. 44); fieri omnino potest, ut pars narrationis (v. 3—8) ad *partem* duntaxat sociarum viæ pertineat, quemadmodum ea, quæ Marcus XVI. 5-8. & Matthæus XXVIII. 5—10. referunt, non (p. 59) ad Mariam Magdalenam (v. 1. Marc. XVI. 1), sed apud Marcum ad *alteram duntaxat Mariam & Salomen*, apud Matthæum

thæum *ad illam solum* ¹³⁵ spectant. Similiter apud ipsum Lucam Act. XVI. 13. καθίσαντες ἐλαλῆμεν non ad comites apostoli, quemadmodum superiores plurales (v. 12. f.), sed ad *unum solum Paulum* (v. 14), & ἀπελυθῆσαν XV. 33. non ad Silam (v. 32), sed ad *Judam solum* pertinet; nisi forte rejicitur versiculus 34, Silasque *Hierosolymis* Antiochiam *revertisse* (cf. v. 40) videtur. Licet ergo Magdalena & altera Maria in comitatu, quem Lucas XXIV. 1. describit, haud dubie fuerint (v. 10): ea tamen, quæ v. 3-8. legimus, neque ad Magdalenam (cf. Jo. XX. 10-17), neque ad alteram Mariam (cf. Marc. XVI. 5-8. Matth. XXVIII. 5-8) referri necesse est; sed Lucas sequi potuit ¹³⁶ narrationem Joannæ (XXIV. 10. coll. VIII. 3), quæ *suam* & aliarum forte nonnullarum historiam evangelistæ, in Palæstina versanti (cf. über den Zweck Joh. p. 271), coram ipsa exposuisset (l. 3). Maria Magdalena, ubi primum intellexit, lapidem a sepulcro remotum esse (XXIV. 2), de reliquo cœtu (v. 1. 10) secessit (Jo. XX. 1. 2), & de omnibus rebus, a Luca XXIV. 2-8. expositis, hanc partem (v. 2) nunciavit (v. 9. f.), amotum esse saxum & (v. 23. init. Jo. XX. 2) corpus Domini. Petro (Luc. XXIV. 12 ¹³⁷) & Joanne (cf. τινὲς v. 24.

&

¹³⁵) cf. quoque Matth. XXVII. 44. cum Luc. XXIII. 39. & S. V. *Darstellung* Fragm. und Antifragm. P. 1. p. 257. f.

¹³⁶) v. perill. Michaelis Erkl. der Auferst. gesch. p. 146. f.

¹³⁷) Cum de Petri itinere *per occasionem* torporis apostolorum (v. 11), qui ceterum non obliterit, quo minus spectatum certe Petrus exiret, non ex chronologico ordine, mentio fiat (v. 12): εὐθὺς omnino in *plusquamperfecto* accipi potest, cf. Marc. III. 16. p. 61, not. 98.

& Jo. XX. 3) ad sepulcrum tendentibus, e feminis, prope sepulcrum hæsitantibus (not. 97), altera tandem Maria & Salome sepulcrum intrare sunt ausæ (Marc. XVI. 5), sed angelum, qui lapidem removerat, conspicias (Matth. XXVIII. 2-5) intra sepulcrum (v. 6. 8. Marc. XVI. 5¹³⁸) tantus incidit terror, ut profugæ nemini quicquam aperirent (Marc. XVI. 8), nec Joannæ ceterisque feminis, quæ foris ad sepulcrum adessent, nec adventanti Petro ac Joanni, nec pone sequenti Mariæ Magdalene (p. 60). Ceterum Joanna & reliquæ comites, ut ex Petro & Joanne, paulo post ad sepulcrum pervenientibus, audiverunt, sepulcrum, quod Joannes, fuga Mariæ & Salomes territus, principio non auderet ingredi (Jo. XX. 5), tuto posse iniri (v. 6-8), ipsæ tandem etiam ingressæ sunt in sepulcrum (Luc. XXIV. 3), ibique, cum penderent animis, quid de vacuefacto sepulcro & de Salomes sociæque metu existimandum esset, duos angelos conspexerunt (v. 4-8), quos, istis mulieribus a sepulcro digressis (v. 9), reversa interim Maria Magdalena, cum prospiceret in sepulcrum, pariter vidit (Jo. XX. 11-13). Joanna vero & comites, Petrum atque Joannem, quos modo in sepulcrum præcuntes, sed nihil tale expertos viderant, mox persecutæ, nunciū de angelis visis *primæ* attulerunt, Salomenque igitur & sociam præcurrerunt, quæ, tametsi a sepulcro celeriter effugerunt (Matth. XXVIII. 8. Marc. XVI. 8), postea

ta-

138) v. celeb. *Michaelis* p. 117.

tamen, dum reciperent animum, tardius motæ & longius moratæ fuisse videntur. Cum certe duo isti (Luc. XXIV. 13) Hierosolymis abirent, de angelis visis nuncius apportatus fuerat (v. 23. extr. coll. v. 4—10), de ipsius Domini visione (Matth. XXVII. 9. 10) non item, quamvis mirarentur discipuli Jesu, cur Petrus & Joannes, qui ante Joannam introierant in sepulcrum, hoc quidem a corpore Domini, quemadmodum Maria Magdalena nuntiaverat, vacuum deprehenderint, sed *Dominum ipsum* minime viderint (Luc. XXIV. 24), *quem tamen vivere, oporteret*, si verus esset (cf. v. 11) nuncius, a Joanna ceterisque latus, quæ non modo referrent, corpus Jesu inventum non esse, quod apostolorum testimonio firmatum fuerit (v. 24), sed dicerent præterea (v. 23), se vidisse angelos, qui *viventem* Jesum prædicassent. Quoniam vero Lucas e Marco (XVI. 1. 5—7.) intellexit (p. 63. fs.), discipulos Jesu etiam a Maria, Jacobi matre, de angelica præconio vitæ Jesu nuncium accepisse, & Mariam quoque Magdalenam (v. 1) de angelis a se visis (Jo. XX. 12. f.) nuntium tulisse (v. 18. Marc. XVI. 10. f.), inter omnes constabat: huc etiam spectare potuit Lucas XXIV. 9—11, tametsi visionis angelicæ singula momenta apud Magdalenam & alteram Mariam alia fuerunt, atque apud Joannam, cujus narrationem Lucas v. 3—8. proprie exposuerat. Satis habemus, *rem ipsam*, quæ a pluribus testibus narrata fuerit, sed apud discipulos Jesu nullam fidem habuerit (v. 9—11), undique eandem esse, & spectare eodem, quo Lucas ipse (v. 23) omnia

re-

refert, h. e. corpus Jesu ab omnibus in sepulcro desideratum (v. 2. f.); & ab omnibus unum (cf. Ebr. XI. 35. h) pluresve angelos visos fuisse, qui Jesum vivere perhiberent (Luc. XXIV. 4-7). *Singula* vero ejus, quod caput est, *momenta* (v. 3-7. coll. Jo. XX. 11-13. & Luc. XXIV. 4. coll. Matth. XXVIII. 5. Marc. XVI. 5) in historia, quæ ad *plures* pertinet, non continuo cum singulis, quos res ipsa, sed varie attingit, communicari, verum certæ parti, ut Joannæ & aliis forte quibusdam mulieribus, a Magdalena & altera Maria & Salome diversis, propria esse posse, supra (p. 77. f.) ostendimus.

JOH. I. 52.

Cælum apertum & angelorum ministeria significant omnino magnitudinis (v. 50) Jesu illustria documenta (v. 51), primum illud (v. 49), quod Nathanaëlis animum tam valide affecerat, deinceps secuta (v. 51), h. e. miraculorum paullo post (cf. ἀπαρτί v. 52) exorsam (II. 11) seriem. Causa vero, quam obrem pro miraculorum *generali* nomine quædam potius *forma* (cf. Ebr. XIII. 2. l) miraculorum, & hæc quidem *proprie* miraculorum species, appellentur, in superiore Christi historia (Marc. I. 10. 13), quam Joannes more suo (cf. über den Zweck Joh. §. 52. 53) ex antiquioribus evangeliis cognitam sumit, reperiri videtur. Quum Jesus hæc verba faceret, non illud duntaxat miraculum, quod Nathanaëli persuaserat, Jesum esse filium Dei

L

(Jo.

(Jo. I. 49—51), sed majora, eaque talia (Matth. III. 16. IV. 11), qualia verborum, loco nostro *synecdochice* (cf. Obsl. p. 9) usurpatorum, *propria* vis significat, hoc ipsum, quod Jesus sit Dei filius, confirmaverant (III. 17. Joh. I. 34), & contra dubitationem iniquam (Matth. IV. 3. 6) defenderant (v. 11). Hæc igitur recentia voluntatis paternæ erga Jesum specimina, quamvis non fuissent a discipulis conspecta, magistro tamen sic ante oculos obversabantur, ut præsentī magnitudinis suæ documento (Jo. I. 49) ampliora, quæ deinceps expectaret (v. 51), specimina vocabulis, ad præterita, quæ in animo versabantur, specimina convenientibus, appellaret (v. 52), talia prædicturus & tanta miracula (cf. V. 36), quæ magnifico principio (v. 37. coll. Marc. I. 10. f. add. v. 13) digna futura, hujusque ipsius fidem factura sint discipulis, ut animo saltem videant, quod oculis cernere ac videre non potuerint, sed a baptista acceperint (cf. Jo. I. 32—34), vel ab ipso Jesu audituri essent, cælum ipsi apertum & angelos ministros fuisse.

IV. 48. Vox *Hierosolymis*, aliave similis dictio, v. c. in *Judea*, quamvis e contextu (v. 45. 47) repetita sit, parum tamen commode ad verbum *idne intelligendo* adjungi, sed omnino *exprimenda fuisse* videtur, si Christus hoc sibi voluisset, quod suspicati fuimus in libro über den Zweck Joh. p. 42. Ver-
ti.

timus ergo: „nisi miracula *jamiam*¹³⁹⁾ *videritis*, non credetis (ea, cf. Luc. VI. 29. not. 41), non prius creditis miracula, quam oculis ea videritis, non creditis nisi visa“; aut, si verbum *πισωσιν* similiter accipere malis, atque Joh. IV. 53. 41. f. coll. 39. hæc erit sententia: „non *mihi* confidetur ante, quam *videritis* miracula.“ Hoc posito, regii fiducia (v. 47) in eo, quod suspenſa tenebatur, dum filius *esset sanus factus*, & metu aliquo perturbabatur (v. 49), ne curatio perfici non posset, reprehensa (v. 48), eoque tandem deducta fuit a Domino, ut parens crederet miraculum (v. 50), quamvis *nondum cerneret*. (cf. b. Bengelii Gnom.). Eandem fiduciam, quæ virtuti, *e superioribus miraculis* Jesu (cf. v. 45) perspectæ, in causa nova item confideret, ut si miraculum *jam fuisset patratum* oculisque subiectum, alias quoque consideravit Dominus (VI. 5. f. Marc. VIII. 17—21), raramque (Matth. VIII. 10.¹⁴⁰⁾) fidem, sicubi invenit (v. 8. f.), miratus est ac vehementer laudavit. Fidem, quæ *miraculis* Christi niteretur, l. n. *universe*¹⁴¹⁾ notatam à Domino & despectam fuisse,

139) *Præteritum* tempus in verbo *id est* *pressius* intelligendum est. (cf. Ebr. VI. 3. d).

140) Quam late (cf. secundam *pluralem* Jo. IV. 48) vitium regii patuerit, ex eo maxime intelligitur, quod ad ipsos etiam apostolos, eosque dudum cum Christo versatos, pertinuit (VI. 7—9. Marc. VI. 49—52. VIII. 16—21. Joh. XX. 25. 29).

141) cf. Ven. *Lasseri* Predigten p. 227. Neque magis ad rem pertinet alius locus (Marc. VIII. 11. c.), p. 228. prolatus. Tantum enim

se, vel solus locus Jo. XV. 24. refutat, qui doctrinæ Jesu (v. 22) miracula tanquam *necessarium* firmamentum adjungit, cujus absentia fidem Christo negatam & doctoris auctoritatem repudiata excusatura esset (cf. X. 37). Et lectissimi (cf. I. 48) quique discipuli Jesu *hoc argumento*, probante magistro (v. 51. f.), tum ipsi ducebantur (v. 49—51. II. 11. cf. über den Zweck Joh. p. 14. f.), tum suos quoque discipulos & lectores moveri volebant (XX. 31. cf. I. c. §. 7. 8.).

VIII. 35.

absuit, ut Jesus *propter miracula* fidem sibi nollet haberi (Jo. X. 25. 38. XIV. 11), ut potius in hoc ipso (Matth. XI. 20—24. cf. Jo. XII. 37) æqualium stuporem & perviciam indignabundus (Marc. VIII. 12) reprehenderet, quod post tot ac tanta miracula, quæ in eodem congressu cum Phariseis (v. 11. coll. Matth. XVI. 1) confirmavit luculenta insignis hujus temporis (*non nuncius*, cf. Notit. hist. epp. ad Cor. not. 140), sive temporum Messiae indicia esse (v. 3. cf. quoque Matth. XII. 28. XI. 3—5), ipsius tamen dictis nullam fidem adjungerent, sed, tanquam si prægressis miraculis nihil probatum dedisset, eave nomen miraculorum, seu (Joh. VI. 26. 30) documentorum missionis ipsius divinæ (v. 29), haud mererentur, postulerent demum miracula (v. 30. Matth. XII. 38), quæ, cum superiora pro nihilo duxissent, *alius* generis (XVI. 1. Marc. VIII. 11) esse deberent. Atqui *taura* (v. 11. cf. etiam Luc. XI. 29. cum 16) miracula negat (Marc. VIII. 12) a se nunc editum iri, quamvis post mortem ipsius, & in ipso, novum quoque miraculorum genus exiturum sit (Matth. XVI. 4. coll. XII. 39. f. Luc. XI. 29. f.). Si nulla in miraculis Jesu ad divinam ejus missionem confirmandam vis aut evidentia fuisset, nec injuria miraculis univérse diffideremus (cf. S. V. *Lasserum* p. 229); quo tandem jure ii proprie (Marc. III. 30) in crimen omnium gravissimum vocari (v. 28. f.) potuissent, qui miraculorum Jesu divinæ origini diffiderent ipsi, suamque diffidentiam cum aliis communicando (v. 22. 30. Matth. XII. 24), argumenti per se incerti vim atque efficaciam apud alios (v. 23) infringere conarentur?

VIII. 35. Generalis sententia, quod perpetua mansio in familia non fervorum, sed filiorum ¹⁴²⁾ fit, ad Judæos (v. 31) revocata, *primo* sumit, hos homines tanquam posteros Abrahæ (v. 37. coll. 41. Rom. IX. 7. f.), quem honorem modo (Jo. VIII. 33) jactaverant, imo tanquam discipulos (v. 30. f. coll. I. 12) filii Dei, adscriptos videri divinæ familiæ (οἰκία). *Deinde* ponitur, eosdem Christi auditores, quia vitiis indulgeant, liberos atque *ingenuos* non esse (VIII. 34), ideoque ¹⁴³⁾ sola opinione (v. 41), non (v. 42) *ad veritatem* (αὐτῶς v. 36) liberos atque *filios* (υἱὸς v. 35) Dei esse; quamvis Abrahæ filii usurpentur (v. 33. 39.), *nomina* tantum esse filiorum Abrahæ (v. 37), non (v. 39. Rom. IX. 6—8) *veros* & germanos filios; quamvis *audiant* discipuli Jesu (Jo. VIII. 30), *re tamen vera* (ἀληθῶς v. 31) haud esse discipulos. Ex quibus *tandem* efficitur, homines istos, nisi liberentur a Filio (v. 36), non mansuros esse in familia Dei, nec eo perventuros esse, quo Filius proficiscatur (v. 21), ejusdemque veris discipulis (v. 51. coll. v. 31. not. 144.) aditus pateat (v. 51. XII. 26. XV. I. 24), & Abrahamus quoque pervenerit (VIII. 56. coll.

142) O vos non *Christum* (v. 36) significare, sed. instar disjuncti οὐδὲν, *universe* accipi, & *quavis* filium (cf. Jac. V. 6. 1 Tim. V. 14. Notit. hist. epp. ad Cor. not. 35) dicere videtur.

143) O vos est contrarium τοῦ δούλου (v. 35. Gal. IV. 7. 1.). Unde *filii* (Jo. VIII. 35. hoc sensu *liberi*) mox v. 36. οὗτοι ΕΛΕΥΘΕΡΟΙ (hoc sensu *liberi*) dicuntur.

coll. 51—53. & perill. *Michaelis* Dogm. p. 726); quamvis nunc
 ceu Abrahamæ posterī & discipuli Christi videantur esse filii Dei,
 perpetuis tamen divinæ familiæ sedibus exclusum eos iri (v. 21.
 24. Luc. XIII. 26—28. Matth. VIII. 11. f. VII. 21—23). Libe-
 rat autem Filius (Jo VI. 36) per doctrinam suam (την ἀληθει-
 αν v. 32), si quis ejus observans fuerit (μεινεν εν τω λογω αυτου v.
 31. ¹⁴⁴). Qui doctrinæ Christi observantes erant, non ii conti-
 nuo omnes, qui, audita doctrina, magistrum eum profiteban-
 tur (v. 30. coll. Matth. VII. 21. 26), vere discipuli erant (Jo.
 VIII. 31). Verus enim Christi discipulus est, qui ¹⁴⁵ veram ¹⁴⁶
 ejus doctrinam cognoscit ita, ut (cf. καὶ Marc. IX. 20) liberetur (Jo.
 VIII. 32) a servitute peccati (v. 34) & conjuncta (v. 21. 24.
 35) miseria, non qui cognoscit & profitetur ita (v. 30), ut in-
 felix mancipium peccati esse pergat (Matth. VII. 21. 23. 26. f.).
 Talem fidem, quæ doctrinæ Christi tenaces & (Jo. VIII. 51.) a
 perniciæ, conjuncta (v. 21. 24) peccato, liberos efficeret, v. 24.
 flagitaverat Dominus, non qualis erat (v. 34. f.) των πεπλη-

510.

144) Versiculo 51, notius τησιν substituitur. Sed μενεν εν τινι vim eam-
 dem habet. cf. *Kypke* in v. 31. & similem formam dicendi εμμενεν
 τοις αρμοις και τοις συνθηκαις apud *Lysiam* (Or. gr. Vol. V. p. 719. f.
 ed. *Keiser*). Adde *Josephi* & *Philonis* loca apud *Krebsium* & *Las-*
perum ad Gal. III. 10.

145) Καὶ prius v. 32. est ἐδουλικουσ, „re ipsa eritis discipuli mei, nempe
 (cf. Ebr. X. 11. k). Obil. gr. p. 241) cognoscetis &c.“

146) Doctrina (ο λογος Jo. VIII. 31) Jesu appellatur η ἀληθεια (cf. v. 14.
 16), quantumvis licet repugnauerint Pharisei (v. 13).

εὐχομένων ἰουδαίων (v. 30. f.). Et a principio statim (v. 12) Christus dixerat, suos discipulos (τοὺς ἀκολουθῶντας αὐτῷ, aut, quæ verba XII. 36. 46. legimus, τοὺς πιστεύοντα εἰς αὐτόν, nimirum ἀλλήλους, cf. VIII. 30. 31), luce & cognitione *salutari* (τῆς ζωῆς) gaudere, quæ non finat (cf. v. 51) in peccati & miseriæ (θανάτου v. 21. 24) tenebris versari.

XII. 41. Pronomen αὐτοῦ, quod in toto contextu (v. 37. 42) non alio quam ad *Jesum* spectat¹⁴⁷⁾, hoc etiam loco dubitamus aliorum accipere sive ad Deum (κύριον v. 38) trahere. Quamquam enim facile concedimus, non *Christi proprie*, sed *divinam universe* majestatem citato (v. 40) capite Esaïæ (VI. 1—5) visam prædicari: Joannes tamen, qui & universo libro (cf. über den Zweck Joh. §. 46) & hoc ipso loco (XII. 45. cf. l. c. p. 196. 512. fs.) in *divinitate* Christo asserenda elaborat, propheticum locum de *majestate divina* apposite ad magnificam, quam de Jesu Christo habuit & argumentis firmavit, opinionem, in eundem *suum Dominum* absque dubio transferre potuit (cf. Ebr. I. 10. c.) XII. 26. o). Deindè hoc in more positum est (cf. über den Zweck Joh. p. 2) Joanni, ut orationi suæ passim adspargeret, quæ de consilio libri universo lectores admonere possent. Neque igitur miramur, si nostro etiam loco animadversioni suæ (Jo. XII. 37—40. cf. l. c. §. 10) brevissimam ad-

147) cf. *Vitringae Comm.* in *Jesaiam* P. I. p. 142.

admonitionem subjecerit (v. 41), cujus una pars revocaret memoriam consilii (cf. XI. 4), quo & miracula (XII. 37. coll. XI. 1—XII. 18. & v. 28—30) & dicta (v. 45) Jesu literis ab ipso consignata fuerint (XX. 31), altera vero moneret de prædicto Esaiæ, cujus eventus in Jesu consilium evangelistæ adjuvet (cf. l. c. §. 11). Neque enim postrema versiculi nostri verba: *καὶ ἐλάλησε περὶ αὐτοῦ*, ad *sexum* Esaiæ, caput, v. 39. s. allatum, putamus esse referenda, quo pacto otiosa fere essent, sed ad superius (v. 38) allegatum caput LIII, quo Esaias *de Christo proprie* dixit (v. Comm. in ep. ad Ebr. p. 475. ss.). Quod loci nostri *priorem* particulam ad *propiores* versiculos 39. & 40, *posteriorem* vero ad *remotius* comma 38. pertinere arbitramur, *chiasmi*, quem vocant, *inversi* pluribus exemplis defendi potest. cf. Ebr. IX. 1. g). h). & Diss. qua insigne de Christo oraculum Es. LII. 13—LIII. 12. illustratur p. 22. Etiam Matth. XIII. *primum* ea, quæ *proximus* locus (v. 43) de regni divini summo pretio, luculentissime tandem manifestando, omnemque operam *τῶν δικαίων*, quorum res in hac terra non meliore loco esse videbantur (v. 28—30), quam res ceterorum (v. 41), sua excellentia abunde compensaturo, attigerat, duabus parabolis (v. 44—46. cf. Diss. de parabolis Christi not. 56) illuminantur, *tum demum* ea, quæ *superioribus* versiculis 40—42. de funestissimo malorum, bonis aliquamdiu intermixtorum, parique cum his conditione uti visorum, exitu præcepta fuerant, alia parabola (v. 47—50) Dominus exequitur.

XIV. 26. XVII. 11. f. Quam vim formulæ *ἐν τῷ ὀνόματι*, five *ἐς τὸ ὄνομα* (Matth. XVIII. 20), alias (Joh. XIV. 13. f. XV. 16. XVI. 23. f. 26) tribuimus (v. ad Jac. V. 14. not. 213), eadem his quoque locis teneri potest hactenus, ut græca verba idem valeant, ac latina: *in honorem* (v. etiam ad Col. III. 17. not. 46). Nam divini spiritus præsidium apostolis vere datum est *ad honorem* Jesu (Jo. XIV. 26), quem & sententia doctrinæ apostolicæ (XVI. 8—11. 14. XVII. 1. 3. cf. über den Zweck Joh. p. 462), & hoc quoque ipsum adjuvabat, quod *impletum* esset promissum Christi, idemque majestatis, *revera ab ipso aditæ*, indicium & argumentum (XVI. 7. cf. VII. 39). Altero loco (c. XVII) Jēsus tum proficitur (v. 12), se apostolos præter unum omnes adhuc servasse *in honorem* patris (v. 4. 6), tum rogat patrem (v. 11) pro salute¹⁴⁸⁾ eorum *in honorem* patris. (XIV. 14. XV. 8. XVII. 1. 3. cf. l. c. 462. f.). Quamquam nec repugnamus, si quis illud *τηρεῖν ἐν τῷ ὀνόματι σὺ* malit in hanc partem interpretari, ut apostoli dicantur servandi vel servati esse *patri*, ut eos *patris* esse gaudeat Christus & posthac *ejusdem* manere velit (v. 6. 9. f.). Quo pacto *ἐν τῷ ὀνόματι σὺ* positum erit pro *ἐν σοί* (cf. XV. 21. Matth. X. 22. Luc. XXI. 17. 12. cum VI. 22. Matth. V. 11. X. 18. Marc. XIII. 9), hocque pro *σοί*, quemadmodum 2 Cor. VIII. 1. (cf. Comm. in ep. ad Ebr. p. 507) & Act. IV. 12. participio *ἰδοµενος* subjectus dativus per *ἐν* effertur. Loca *Joannis* similia dabit Progr. in 1 Tim. III. 16. 2). — Act.

148) cf. disjunctum *καὶ* v. 12. itemque versiculum 11. extremum cf. cum v. 21—23. (über den Zweck Joh. p. 438. f.).

Act. III. 16.

Cum tertiæ personæ pronomina & verba in eodem contextu ad *diversa* subiecta redire possint ¹⁴⁹, ipsoque etiam nostro loco pronomen *αὐτῶν* non eodem, quo *αὐτῶν*, sed ad claudum sanatum (*τὸν ἐν Σαλαμῖνι*) spectet: minime profecto necesse est, *τὸ ὄνομα αὐτῶν* ad Christum referri, quo verba *τῷ ὀνόματι αὐτοῦ* & *ἐν αὐτῷ* pertinent. Deo certe, qui Jesum restituerit in vitam (v. 15), etiam v. 13. miraculum patratum (v. 12) tribuebatur (cf. IV. 30). Sed Deus claudum, quem cernebant & noverant, roboraverat ea lege et via, ut *Jesús*, de quo pariter ante (III. 13—15) sermo fuerat, honoraretur (cf. *ἰδοὺ* v. 13), h. e. *sub conditione* (cf. *καὶ* Phil. III. 9) *fiduciæ* ¹⁵⁰ *Jesu*; nam (*καὶ*, cf. Ebr. V. 3. d) claudio, omni-
bus

149) v. XII. 8. f. Obfl. gr. p. 402. & *Raphelii* Annot. ex *Xenoph.* ad Luc. IX. 39. ex *Herodoto* ad Marc. IX. 18.

150) Si *consilium* sanationis cum interpretibus, a *Lindhamero* significatis, intelligere malis (cf. *en.* Eph. II. 10. 1 Theff. IV. 7); non illud dicitur, apostolos (Act. III. 4) tanto miraculo perpetrando futuros fuisse impares (v. 12), nisi spem in Jesu collocassent; sed hoc potius sibi voluit Petrus, claudum a Deo roboratum fuisse *hoc consilio*, ut *fiducia Jesu* apud eos produceretur, quibus miraculum innotesceret, ipsam enim curationis historiam docere, quod fiducia, ab apostolis in *Jesum* posita, integritatem claudio attulerit. Atqui nec confidere potuissent apostoli virtute (v. 6. coll. IV. 7. 9. f.) Jesu, nisi de hominis tantopere contempti (v. 10. 11. III. 13. f.) gratia apud Deum (v. 13) & vita (v. 15) certissimi facti, testesque (v. 15. extr.) locupletes fuissent, nec spei, quæ in *Jesu* fuerat (v. 6),
re-

bus conspicuam (Act. III. 9. f.), integritatem valetudinis manifesto (v. 6) *ipsa fiducia Jesu* ¹¹¹⁾ (cf. IV. 9. f. 30. extr.) conciliaverat. Miraculi patratiōem *fiducia Jesu* adstrictam fuisse, illiusque consilium ad honorem *Jesu* spectasse, ex ipsa historia curationis (III. 6) probatur.

V. 12—15. Parenthesis, quam interpretes h. l. sumere solent, minus dura videbitur, si conferas vocabula: *οπως* (Gen. XXXVII. 22) &: *τε ποιησαι* (Ebr. X. 7), a verbis: *επιεν* & *ηρω*, unde pendent, disjuncta item, ut nostrum *ως* Act. V. 15. & verbum *εγενετο* v. 12. distrahuntur. Adde Obsf. p. 398. f. & b. *Bengelii* Gnom. ad Marc. VII. 1.

V. 20. Et si non negamus, *τα ρηματα της ζωης ταυτης* similiter, atque *τον λογον της σωτηριας ταυτης* (XIII. 26), verti posse (Obsf. p. 234. f.) sic, ut si scriptum esset: *τα ρηματα ταυτα* (cf. XIII. 42) *της ζωης*, doctrinam *hanc* salutarem, aut, si
ma-

respondere potuisset exitus (v. 7—10), nisi magnificam apostolorum de *Jesu* opinionem (v. 13—15) ejusque fiduciam (v. 6) approbare Deus & aliis quoque persuadere voluisset. Ex hoc ipso (IV. 7—10) specimine efficacitatis fiduciae, in *Jesu* positae, etiam IV. 11. 12. efficitur univēse, in eodem *Jesu* spem unicam hominum sitam atque reponendam esse. cf. Diss. de sensu historico p. 14.

151) Sumimus, *την κειν την δι' αυτου* idem (cf. Notit. hist. epp. ad Cor. int. servientes not. 118) valere, quod *η εν αυτω* (Col. I. 4) sonaret. Quod si vero usitatam vim praepositionis *δι* retinere malis: fiducia Dei, quae *per* *Jesum* extiterit, sive spes apostolorum, quae esset in Deo, sed *Jesu* niteretur (cf. 1 Petr. I. 21), intelligi debet.

malis, res *has* salutare; nescimus tamen, an præferenda sit hæc versio; doctrinam de (cf. Prol. in ep. ad Ebr. p. XXXVIII) *hac vita*, aut, si malis, res (cf. V. 32) *hujus vita*, ea, quæ spectant ad hanc, de qua inter vos & vestros adversarios (v. 17) disceptatur, vitam, itaque (IV. 1. f.) ad *vitam Jesu*. De *hac ipsa* certe apostoli, e custodia educti, in templo præceperunt populo (v. 18. 30—32).

XVII. 28. Tria omnino, quæ beneficio divino habemus, gradatim & sic proponuntur, ut a perfectiore incipiens in minus perfecto terminetur oratio. Illud autem *Limborchio*, cujus verba (Comm. in Act. & epp. ad Rom. & Hebr. p. 168) mutuati sumus, assentiri non possumus, quod *vita* l. n. *rationem*, hominis prærogativam, significet, quæ vis ne inesse quidem videtur in verbo ζῆν; sed Paullum hoc potius dixisse arbitramur: „per Deum vivimus *beate ac hilare* (cf. 1 Thess. III. 8. & *Kypke* T. I. p. 270), per ipsum movemus nos, ac sumus. Ipsius beneficio non solum omnia, quæ ad vitam feliciter agendam pertinent (cf. *τα παρτα* Act. XVII. 25. & 1 Tim. VI. 17. Act. XIV. 17), sed hoc etiam debemus, quod nostræ vires, quarum usu ad felicitatem ipsi aliquid conferimus, durant neque expirant (cf. *πρὸν* XVII. 25), imo quod ad vitam pervenimus (cf. ζῶν l. c.). Verissima Del prædicatio est, nos, quod beate vivamus, quod moveamus nos, quod simus, id omne ab ipso habere. „

I N D E X

locorum obiter illustratorum.

- | | |
|--|---|
| <p>Gen. III. p. 8. f. 11. f. 42.
 Ps. CXLIV. 10. p. 18.
 Es. XVIII. 2. p. 45.
 Matth. I. 1. p. 3.
 11. p. 6.
 III. 11. p. 68.
 V. 1. f. p. 17. f.
 3—12. p. 13. f.
 13. f. p. 17. 23. 28.
 23—25. p. 24.
 33. p. 23.
 VI. 5. fs. p. 15. f.
 VII. 1—12. p. 16. f. 19.
 16—20. p. 21. f.
 VIII. 22. p. 71. f.
 XII. 29. p. 13.
 39. f. p. 77. 39.
 47. f. p. 45.
 XIII. 44—50. p. 88.
 XV. 15. p. 40.
 17. p. 47. fs.
 XVII. 18. p. 30.
 XXII. 39. f. p. 16. 19.
 XXIII. 27. p. 10. f.
 29—33. p. 72f.</p> | <p>Matth. XXIV. 29. fs. p. 38.
 40. f.
 34. p. 40. f.
 40. f. p. 41.
 XXVIII. 5—10. p. 60.
 77. fs.

 <i>Marci evangelium</i>
 <i>Petro duce scri-</i>
 <i>ptum</i> p. 60. f.
 64. 66. f.
 <i>primum omnium</i>
 <i>est</i> p. 62. fs.
 I. 13. p. 11.
 II. 27. f. p. 33. fs.
 III. 14—17. p. 60. f.
 27. p. 13.
 VIII. 11. f. p. 83. f.
 IX. 43. fs. p. 42.
 XVI. 2. p. 44. f. 59.
 5—8. p. 59. f.
 77. fs.

 Luc. II. 34. p. 39.
 III. 22. p. 68. 69.
 IV. 1. f. p. 10. f.
 13. p. 12.</p> |
|--|---|

Luc. VI. 24-35. p. 18. 69 f.

29. p. 26.

VII. 37. f. p. 32. f.

41. p. 76.

VIII. 9. 11. p. 17.

16-18. p. 46.

20. f. p. 45.

X. 21. f. p. 30. f.

XI. 21. f. p. 13.

29. f. p. 77. 39.

33-36. p. 27. f.

XVI. 16. p. 19.

XIX. 25. p. 75.

XXI. 31. f. p. 39. f.

XXIV. 1. p. 44. f.

23. f. p. 78. fs.

Joh. I. 32. f. p. 69.

VIII. 31. f. 36. f. p. 85. f.

XI. 25. f. p. 71. f.

XIV. 13. f. p. 89.

Joh. XV. 16. p. 89.

XVI. 23. f. 26. p. 89.

XX. 1-17. p. 44. f.

60. 78. fs.

Act. II. 3. p. 69.

IV. 12. p. 89. 91.

XV. 33. p. 78.

XVI. 13. p. 78.

XVII. 25. p. 92.

Rom. VIII. 10. p. 71.

19. p. 67. f.

2 Cor. VIII. 1. p. 89.

1 Tim. II. 14. f. p. 72.

2 Tim. II. 21. p. 40.

Ebr. XIII. 2. p. 81.

Apoc. XI. 1. p. 45. f.

XII. 7. p. 19.

XIX. 3. p. 36.

XXI. 8. p. 10.

Errata.

- p. 6. l. 6. a fin. lege: cognAtionis.
p. 14. l. 11. a fin. lege: locO.
p. 29. l. 9. lege: ep. pro epp.
p. 50. l. 2. lege: immuNdia.
p. 60. l. 1. lege 10, pro 23.
p. 70, not. 126, l. 6, lege malIT pro malis.

THE UNIVERSITY OF CHICAGO

LIBRARY
1207 EAST 58TH STREET
CHICAGO, ILL. 60637
TEL. 773-936-5000
FAX 773-936-5001
WWW.CHICAGO.EDU

179
C
17

